

棲霞縣志
貞集

第四冊

卷八
藝文
跋

棲霞縣志卷之八

知棲霞縣事加二級古燕胡 璘霖三父重修

賜進士內府禮科給事中邑人李唐裔西林父鑒定

賜進士儼 選 知 縣邑人牟國須柱東父訂正

邑舉人牟國玠鳳伯父纂輯

藝文志

王度如金聖經為郭立言不朽以述兼作紀動
脩辭歌風畧意文吾能微道進乎技

天地有精華國家有文獻聖作朗述非細故也

棲霞縣志 卷之八 藝文

古之聖人開天首出作民君師莫不有顯謨大
訓以詔當時而垂萬世天下之人是訓是行世
世奉之而無替此文志所由傳歟棲數經兵火
名山柱下不可得而考已而

王言秩秩炳若日星讀

誥命典籍諸篇如見風示天下之意焉曰碑曰記以
傳政也曰銘曰賦以載道也而敘述芳踪闡揚
正氣尤關係之大者乎他如文江列陣學海抽
思指點日遊山水獲申於知已長歌短詠煙霞



受制於文人或以人傳或以地記以見文明之
世化洽海邦而百里微封亦彬彬稱文物之鄉
也志藝文一卷

誥贈大同府同知林恂父母文

弘治年月日勅曰人子報親之志莫大於顯揚朝廷待士之恩莫重於褒錫此古今之通制豈存歿之殊科爾林茂乃山西大同府同知恂之父郡邑遺才詩書舊族居鄉樂善素敦仁厚之風教子成名克著勤勞之績祿養既違於三釜褒章宜貢於九原茲特贈爲奉政大夫山西大同府同知霸爽有知歆承無斁勅曰母德之成義實兼乎教育國恩之錫禮特重於褒封肆緣報德之情誕示追崇之命爾紀氏乃山西樓霞縣志

卷之八

誥命

三

大同府同知林恂之母儉勤成性慈孝爲家飭閭範以相夫佐義方以訓子碩鼎釜之養拂遽而風木之感彌深爰體孝思用申褒卹茲特贈爲宜人懿弼不昧服此明恩

誥封大同府同知林恂及妻文

弘治年月日勅曰親民之政非按部莫能詳錫命之榮在司封爲甚重蓋法有定制而恩有特施凡沾旌異之名必在褒嘉之列願明揚於已試實示勸於將來爾山西大同府同知林恂一登鄉薦兩佐侯邦愛民存愷悌之心處已勵清勤之節賢勞旣積薦剡交騰可無寵名以示褒勸茲特進爾階奉政大夫錫之誥命於戲愛民先於獲上已徵名績之良善始貴乎保終庶竭猷爲之益訓辭具在尚克祇承欽哉

棲霞縣志

卷之八

誥命

四

勅曰夫婦之際風化所先君臣之間恩禮攸在凡爲伉儷必與褒封爾山西大同府同知林恂妻于氏出自名門嬪於儒族儉勤自勵克供饋祀之儀儆戒相成不廢詩書之訓愛因夫貴用示國恩茲特封爲宜人尚敦祇慎之風益迓嘉祥之至

誥贈宜陽縣知縣牟道行父母文

萬曆年月日勅曰士方心質行表於鄉間詎意廟堂之寵數哉乃闕德在身天錫厥緒有子起爲名宰因以聲施於朝不可謂非挹注之效焉爾牟時俊乃河南河南府宜陽縣知縣道行之父在髫能立式穀有聞漏采弓旌願罔酌於操瑟怡情泉石功竟獲於爲裘鄉高市義之風庭豫傳經之訓雲衿衍慶月旦流徽是用贈爾爲文林郎河南河南府宜陽縣知縣誕布楓宸之命永增松嶠之輝

棲霞縣志

卷之八

誥命

五

勅曰靡依非母人情所同比及締綬之榮弗逮迺與之養朕甚憚之不有明綸身光宿草爾魯氏乃河南河南府宜陽縣知縣牟道行之母柔儀亮肅令德友恭夙諧豹隱之賢席珍著譽誕啟鵬騫之嗣製錦肇成柘捲之澤猶存機袖之規已邈茲用贈爾爲孺人用表懿靈永綏華號

誥封宜陽縣知縣牟道行及妻文

萬曆年月日勅曰董子有言守令民之師帥所以承
流而宣化者也朕瑩精泰盥每慎茲選有能誦爾絲
先保障此其孳孳撫摩心亦勞苦璽旌豈有斬焉爾
河南河南府宜陽縣知縣牟道行端醇器宇敏練猷
為擢穎公車分符壯邑而爾廉明集事豈第宜民肇
畫運而成風日無盤錯循良奏而計日戶有陽春令
長吏咸若茲海內立不清和奏厥理哉所司以績來
上特授爾階文林郎錫之勅命夫茲邑為召伯聽訟
棲霞縣志 卷之八 帝命 六
之所其棠之蔭未徙民生安業有古俗化得賢有司
從而訓定之以登邦理何有哉益篤初忱朕且有不
次之羅

勅曰吏蒞奉職俾泗封之內安其室家而無愁嘆之
聲推其闡政必有琴瑟靜好之助矣爾河南河南府

宜陽縣知縣 牟道行 妻馬氏 圖史遵箴珺璜比德紉椒蘭而

合義燕婉成儀躬綦縞以匡廉鷄鳴效傲爾夫最績

升聞爾固左右之是用封爾為孺人緘開泥紫之率

帙映丹霞之色

誥贈四川道監察御史郝晉父母文

崇禎九年月日勅曰漢卓茂小宰耳建元之際首被殊封曰名冠天下當受天下重賞夫道止其身而報若是矧夫教誨爾子式穀似之者歟爾原任直隸真定府無極縣知縣贈文林郎郝守栻乃四川道監察御史晉之父東海醇儒恒山隱令孝悌通神明之德生平以繩尺自閑爾其敏奏牛輒清微馬骨愛人學道身有魯中牟之風將毋棄官品越陶彭澤而上祥鍾令子秩畀中臺知縣譜之家爲珍信直聲本自庭授樓霞縣志

卷之八 誥命

七

矣司封條上覽德慨然是用仍贈爾爲文林郎加四川道監察御史彌章厥考構堂之心斯知世臣喬木之謂

勅曰晉郝夫人治家最有法東海門風咸取則焉

史稱其高朗英邁毋儀冠族至以鍾郝並傳不圖晉世後有續其盛事者是可嘉也爾封太儒人王氏乃四川道監察御史郝晉之母鍾鼎名門蘋蘩淑度終溫且惠百年端淑慎之儀寶儉與慈三黨頌睦嫻之美高堂實資其孝養再世咸倚爲清修今其衰近耄

齡動遵古法時御筵而賓王母或舍飴以弄曾孫允
矣禮宗昭哉內則是用仍封爾爲太孺人尚膺朱紱
方來之寵永祝黃耇無疆之年

誥封四川道監察御史郝晉及妻文

崇禎九年月日勅曰聞昔唐虞神筆在圃屈軼生階指佞觸邪稱上瑞已蓋一時岳牧諸臣濟濟朝端雨露靈動植神遊其際不勝衆正之思焉柱後惠文安得不重若選也爾四川道監察御史郝晉風規峻整志節清嚴擢自花封躋於栢院水流巴宇舊傳循令之聲霜凜抨章高作諍臣之氣側陛則義冠慷慨登車能攬轡澄清擬諸昔賢兼有其美若乃西城廉剛之譽左藏釐剔之能益徵爾之屢試輒效者矣是用棲霞縣志

卷之八

誥命

九

仍授爾階文林郎錫之勅命朕虛懷止輦不忘從繩每觀晉傳咸有云安有恹恹忠益友見怨嫉者宋臣韓稚圭亦曰諫主於理勝而以致誠將之朕深賞爲臣鵠且爾嗣將以繡衣持斧行矣爾雅意本朝白馬生當復諫乎

勅曰語不云乎雖有絲麻無棄菅蒯况夫糟糠貧賤之交而同負戴不同徽佩也拾芳宿草抱惋遺祉朕爲爾臺臣念之已爾四川道監察御史郝晉妻贈孺人李氏湛精圖史稟訓衿褊子舍羹湯三日已諳食

性深閨刀尺永夜未輟機聲曾靜好之幾時忽音容
其俱杳著簪已矣空餘琴瑟之心環佩珊然尚想河
山之度莫酌夙勤宜煥明綸是用仍贈爾爲孺人道
或有待於後光榮固無殊夫身受

勅曰孟光之賢不獨舉案觀其佐梁鴻爲噫雉之歌
諷切時事意固已遠矣昔龔直臣徃徃得內助力居
多而我臺班中乃亦有以是顯者爾四川道監察御
史郝晉繼妻封孺人董氏嗣厥徽音休有令範蚤伴
西川之鳧影綦稿自如嗣聞北關之鳥聲庭屏無改

棲霞縣志

卷之八

誥命

十

俾慈姑稱爲得婦而良史賴以宜家玉滯階前念
嗛爲膏之德光生柱後觀行行且止之風綠爾彌成
光余寵命是用仍封爾爲孺人尚資羔素彌傲燕私

誥封兵部職方清吏司督捕主事李唐裔父身
文

奉

天承運

皇帝制曰興孝維君錫類弘昭報本教忠自父服官
敬用承家爾封文林郎陝西平原府推官李東
儒乃兵部職方清吏司督捕主事加一級李唐
裔之父道在禋躬爰被絲綸之重志存作室式
弘堂構之遺茲以覃恩封爾爲奉直大夫兵部
職方清吏司督捕主事加一級錫之誥命於戲
恩逮所生彌表象賢之美風茲有位尚敦燕翼
之謀

樓霞縣志

卷之八

誥命

十一

制曰疏恩將毋弘推錫類之仁移孝作忠均切顯揚
之念爾兵部職方清吏司督捕主事加一級李
唐裔毋贈孺人林氏愛子能勞篤義方於杼軸
相夫克順端令範於閨闈茲以覃恩贈爾爲宜
人於戲象服昭榮聿荷廷綸之寵熊丸遺教永
流泉壤之輝

順治十四年三月初十日

棲霞縣志

卷之八

誌命

十一

誥封兵部職方清吏司督捕主事加一級李
齋及妻文

奉

天承運

皇帝制曰國家推恩而錫類臣子懋德以圖功懿典
攸存忱恻宜勗爾兵部職方清吏司督捕主事
加一級李唐齋持躬克謹蒞事惟虔奉職兵曹
小心克昭於夙夜分猷樞部勞動允著於官方
欣逢慶典宜賁新綸茲以覃恩特授爾階奉直
棧霞縣志

卷之八

誥命

十三

大夫錫之誥命於戲式弘車服之庸用勳顯揚
之志尚欽榮命益矢嘉猷

制曰靖共爾位良臣旣効其勤匪勉同心淑女宜從
其貴爾兵部職方清吏司督捕主事加一級李
唐齋妻贈孺人張氏克嫻內則能貞順以宜家
載考國常應褒嘉以錫寵茲以覃恩贈爾爲宜
人於戲敬爲德聚實加儆戒以相成恩與義均
豈以存亡而異視

順治十四年三月初十日

誥贈福建布政使司右布政使于際清祖父
文

奉

天承運

皇帝制曰恩彰下逮勉篤業於羣察家有貽謀本恩
勤於大父用溯源流之自爰推綸綍之榮爾于
才美乃福建布政使司右布政使于際清之祖
父植德不替佑啟後人綿及乃孫丕彰鴻緒休
貽大父聿觀世澤茲以覃恩贈爾爲通奉大夫
福建布政使司右布政使錫之誥命於戲垂裕
孫謀已沐優渥之典崇褒祖德用邀錫類之仁
貽厥奕祚佩此新綸

棲霞縣志

卷之八

誥命

十四

制曰一代褒功勸酌示後再世承恩崇獎及先績既
懋於公家寵宜追於王母爾福建布政使司右
布政使于際清祖母唐氏爾有慈謀裕及後昆
念茲稱職端由壺教爰錫褒儀之貴用昭種德
之勤茲以覃恩贈爾爲夫人於戲邈其家法愛
勞旣殫先圖責乃國章昌融益開來緒永期丕

贊用席隆床

制曰名世造開率儲祥於內則國恩遠逮必兼飾於
重闈報稱匪私彝章具在爾福建布政使司右
布政使于際清繼祖母劉氏妣續相承後先並
濟重闈之燕貽有本孫謀之龍被宜崇嘉爾徽
音並頒殊渥茲以覃恩贈爾爲夫人於戲宜室
承家爾克端於垂裕貽孫教子朕何靳於甄榮
寵授方新前徽彌著

順治十八年正月初九日

誥贈福建布政使司右布政使于際清父母文
奉

天承運

皇帝制曰揚名顯親爲子者願以令德歸之父考績
褒賢教孝者宜以高爵作之忠是用推恩特申
休命爾贈中憲大夫山東濟南府知府于瀛乃
福建布政使司右布政使于際清之父義方有
訓式毅無慚念爾嗣之勤勞旣克家而報國俾
爾澤之昌大爰錫類以昭仁茲以覃恩贈爾爲

棲霞縣志

卷之八

誥命

十六

通奉大夫福建布政使司右布政使錫之誥命
於戲教誨爾子永勿忝於家聲聿修厥德尚無
負於國恩欽承寵命慰爾幽靈

制曰國體勞臣必溯源而沛澤家崇誥胤爰歸善於
厥生盛典維新壹儀愈著爾福建布政使司右
布政使于際清母封太恭人張氏韓範克端胎
教居身教之先慈訓惟勤能愛在能勞之後宜
沛胞封用昭母德茲以覃恩贈爾爲夫人於戲
子情罔極感顧復而敦孝國綸普被念劬勞以

疏榮嘉乃恩勤褒其遺範

順治十八年正月初九日

詔封福建布政使司右布政使于際濟及妻之
奉

天承運

皇帝制曰褒忠表義昭代之良規崇德報功聖王之
令典特頒恩命以獎勤勞爾福建布政使司右
布政使于際濟才識博通性資醇謹服官有素
崇職游加俾掌藩司小心彌勵宣勞罔懈夙夜
克矢乎恪共奉職無愆官守益彰夫清慎欣逢
慶典宜沛新恩茲以覃恩特授爾階通奉大夫
惟勤尚克承夫寵錫欽予時命勵爾嘉猷

棲霞縣志

卷之八

誥命

十八

錫之誥命於戲恩推自近乃弘獎夫崇階業廣
制曰夙夜惟勤人臣寧遑內顧伉儷無忝國常豈靳
隆施錫章服以酬勛念壺儀之媲美爾福建布
政使司右布政使于際濟妻封恭人朱氏克勤
內德宜爾室家眷良臣靖共之猷賴淑女匡襄
之助爰褒令範式沛新綸茲以覃恩封爾爲夫
人於戲敬爾有官肅闈門而令好職思其內尚
黽勉以同心祇厥殊恩用昭壹德

順治十八年正月初九日

棲霞縣志

卷之八

誥諭

十九

誥贈江南常州府通判張震父母文
奉

天承運

皇帝制曰資父事君臣子篤匪躬之誼作忠以孝國
家弘錫類之恩爾張四教乃常州府通判張震
之父善積於身祥開厥後教子著義方之訓傳
家裕堂構之遺茲以覃恩贈爾爲承德郎江南
常州府通判錫之勅命於戲殊榮必逮於所親
寵命用光夫有子承茲優渥永茂忠勤

棲霞縣志

卷之八

誥命

二十

制曰奉職在公嘉教勞之有自推恩將毋宜錫與之
攸隆爾江南常州府通判張震前母李氏壺範
宜家夙協承筐之媿毋儀詒穀載昭畫荻之芳
茲以覃恩贈爾爲安人於戲彰淑德於不瑕式
榮象服膺寵命之有赫永賁泉壚

制曰忠以孝成臣子篤顯揚之志毋從子貴朝廷弘
不匱之恩爾江南常州府通判張震生母譚氏
柔協女箴勤襄內治茂啟徵蘭之兆善承畫荻
之勞茲以覃恩贈爾爲安人於戲象服煌煌

勤思於五夜龍章奕奕永休譽於重泉

順治十八年正月初九日

誥封江南常州府通判張震及妻文

奉

天承運

皇帝制曰錫類推恩朝廷之大典分猷亮采臣子之
常經爾江南常州府通判張震才堪効用力可
宣猷庶事咸賴以馳驅小心克彰於夙夜慶典
欣逢新綸用賁茲以覃恩授爾爲承德郎錫之
勅命於戲弘敷章服之榮用勵靖共之誼欽茲
寵命懋乃嘉猷

棲霞縣志

卷之八

誥命

二十二

制曰恪共奉職良臣旣殫厥心貞順宜家淑女爰從
其貴爾江南常州府通判張震妻郝氏含章協
德令儀夙著於閨闈黽勉同心內治相成於夙
夜茲以覃恩贈爾爲安人於戲龍章載煥用褒
敬戒之勤翟弗欽承永作泉原之賁

制曰臣子敦服勞之誼典旣疏榮女士嗣淑慎之徽
恩宜並茂爾江南常州府通判張震繼妻于氏
素嫻內則動協女箴相夫載著勤勞宜家克彰
令譽茲以覃恩封爾爲安人於戲蘋蘩繼熾式

揚彤管之輝綸緯同褒勉蒼素絲之德

順治十八年正月初九日

棲霞縣志

卷之八

誥命

二十三

勅贈直隸真定府南宮縣知縣牟國瓏父母文奉

天承運

皇帝制曰資父事君臣子篤匪躬之誼作忠以孝國
家弘錫類之恩爾牟鏗乃直隸真定府南宮縣
知縣牟國瓏之父善積於身祥開厥後教子著
義方之訓傳家裕堂構之遺茲以爾子遵例急
公贈爾爲文林郎直隸真定府南宮縣知縣錫
之勅命於戲殊榮必逮於所親寵命用光夫有
棲霞縣志

卷之八 勅命

三三三

子承茲優渥永茂忠勤

制曰奉職在公嘉教勞之有自推恩將母宜錫典之
攸隆爾直隸真定府南宮縣知縣牟國瓏母郝
氏壺範宜家夙協承筐之媿母儀詒穀載昭畫
荻之芳茲以爾子遵例急公贈爾爲孺人於戲
彰淑德於不瑕式榮象服膺寵命之有赫永賁
泉壚

康熙三十六年八月初三日

勅封直隸真定府南宮縣知縣牟國瓏及妻文
奉

天承運

皇帝制曰錫類推恩朝廷之大典分猷亮采臣子之
常經爾直隸真定府南宮縣知縣牟國瓏職任
牧民才堪良吏清廉克彰乎庶事慈惠允著於
當官復輸蓋誠新綸宜沛茲以遵例急公授爾
爲文林郎錫之勅命於戲弘敷章服之榮用勵
靖共之誼欽茲寵命懋乃嘉猷

棲霞縣志

卷之八

勅命

三三三

制曰恪共奉職良臣旣殫厥心貞順宜家淑女爰從
其貴爾直隸真定府南宮縣知縣牟國瓏妻孫
氏含章協德令儀夙著於閨闈黽勉同心內治
相成於夙夜茲以爾夫遵例急公贈爾爲孀人
於戲龍章載渙用褒敬戒之勤翟弗欽承永作
泉原之賁

制曰臣子敦服勞之誼典旣疏榮女士嗣淑慎之徽
恩宜並茂爾直隸真定府南宮縣知縣牟國瓏
繼妻林氏素嫻內則動協女箴相夫載著勤勞

宜家克彰令譽茲以爾夫遵例急公封爾爲孺
人於戲蘋蘩繼媿式揚彤管之輝綸綍同褒勉
贊素絲之德

康熙三十六年八月初三日

勅贈內閣辦事中書舍人牟恒父母文
奉

天承運

皇帝制曰宣猷服采中朝抒報最之忱錫類推恩休
命示酬庸之典爾牟作孚乃內閣辦事中書舍
人牟恒之父令德踐修義方夙著詩書啓後用
彰式穀之風弓冶傳家克作教忠之則茲以覃
恩贈爾爲徵仕郎內閣辦事中書舍人錫之勅
命於戲篤生杞梓之材功歸庭訓丕煥絲綸之
樓霞縣志

卷之八 勅命

二十五

色澤及泉臺

制曰坤貞叶德芳聲亶播於中閨巽命揚休渥澤自
施於朝宁爾內閣辦事中書舍人牟恒前母李
氏終溫且惠旣儉而勤蘋藻宜家蚤著有齊之
美珩璜表德猶傳相儆之言茲以覃恩贈爾爲
孺人於戲令儀如在上邀綸綍之光寵慶聿頒
用慰栝樅之念

制曰壺教凝祥懋嘉猷於朝宁國常布惠揚休命於
庭闈爾內閣辦事中書舍人牟恒母陳氏勤慎

宜家賢明訓後相夫以順舍內美於珩璜鞠子
有成樹良材於楨幹茲以覃恩贈爾爲孺人於
戲昭茲令善之聲榮施勿替食爾劬勞之報遺
範長垂

康熙三十六年七月十九日

勅封內閣辦事中書舍人牟恒及妻文
奉

天承運

皇帝制曰官在禁林時挾天庭之藻班承綸閣還依
冊府之光爾內閣辦事中書舍人牟恒溫醇著
譽恪謹持躬質有其文撰述分勞於兩制才堪
稱職絲綸賁寵於重霄茲以覃恩授爾爲徵仕
郎錫之勅命於戲西清趨直用嘉翰札之勞北
闕承恩尚勵靖共之節

棲霞縣志

卷之八

勅命

三三之七

制曰丕績奏於中朝端賴閑家之助寵章頒乎慶典
宜分齊體之榮爾內閣辦事中書舍人牟恒妻
孫氏早習女儀克修婦職雞鳴交儆旣砥節於
素絲蠶績執勞用邀恩於紫綉茲以覃恩封爾
爲孺人於戲巾桂彰和順之風鸞書誕賁廷陞
煥褒嘉之命象服茂膺

康熙三十六年七月十九日

勅贈浙江處州府景寧縣知縣李涇源父母文
奉

天承運

皇帝制曰求治在親民之吏端重循良教忠勵資敬之忱
聿隆褒獎爾李唐裔乃浙江處州府景寧縣知縣李
涇源之父禔躬淳厚垂訓端嚴業可開先式穀乃宣
猷之本澤堪啟後貽謀裕作牧之方茲以覃恩贈爾
爲文林郎浙江處州府景寧縣知縣錫之勅命於戲
克承清白之風嘉茲報政用慰顯揚之志昭乃遺謨

棲霞縣志

卷之八

勅命

二十三之八

制曰錫類揚休恩不殊於中外循陔追慕情無間於後先
爾浙江處州府景寧縣知縣李涇源之前母張氏家
風肅穆內則爛明瑤珮猶存睠芳型之未遠栢棧如
故欣慶典之方膺茲以覃恩贈爾爲孺人於戲圖史
有聞欲報寸心於宿草彝章丕煥用弘厚澤於新綸
制曰朝廷重民社之司功推循吏臣子凜冰淵之操教本
慈幃爾浙江處州府景寧縣知縣李涇源母劉氏淑
慎其儀柔嘉維則宣訓詞於朝夕不忘育子之勤集
慶澤於門閭式被自天之寵茲以覃恩封爾爲太孺

人於戲仰酬顧復之恩勉思撫字載煥絲綸之色用
慰劬勞

康熙四十二年三月十八日

棲霞縣志

卷之八

勅命

二十三之九

勅封浙江處州府景寧縣知縣李涇源及妻文
奉

天承運

皇帝制曰分符百里必遴出宰之材報最三年爰重懋官
之典爾浙江處州府景寧縣知縣李涇源雅擅才能
克宣慈惠撫綏有要常深疾痛在己之心懷保無窮
不忘顧復斯民之責茲以覃恩授爾爲文林郎錫之
勅命於戲前勞已茂用褒製錦之能來軫方邁益勵
飲冰之操

樓霞縣志

卷之八

勅命

二十三之十

制曰良臣宣力於外効厥勤勞賢媛襄職於中膺茲寵錫
爾浙江處州府景寧縣知縣李涇源之妻郝氏終温
且惠旣靜而專綦縞從夫克贊素絲之節蘋蘩主饋
爰流彤管之輝茲以覃恩封爾爲孺人於戲敬爾有
官著肅雍而並美職思其內迪黽勉以同心

康熙四十二年三月十八日

典籍

明

聖諭一本

大誥一本

勅諭一本

勸善書二部十九本

御製詩一本

五倫書六十二本

律書一本

棲霞縣志

卷之八

典籍

二十四

孝順事實二部六本

爲善陰騭書五本

儀禮註疏十本

大禮集議四本

大禮纂要二本

朝祭服圖一本

忠靜冠服圖一本

四書大全二十本

易經大全二十本

詩經大全十二本

書經大全十本

春秋大全十八本

禮記大全十八本

性理大全三十本

以上俱在儒學今燬於兵

國朝

銓選則例

品級考

棲霞縣志

卷之八

典籍

二十五

賦役全書

學政全書

大清律

鄉約條例

卧碑

禮部

題奉

欽依刊立卧碑曉示生員

朝廷建立學校選取生員免其丁糧學以虞庠設學
院學道學官以教之各衙門以禮相待全身養
成賢才以供

朝廷之用諸生皆當上報

國恩下立人品所有教條開列於後

棲霞縣志

卷之八

碑

二十六

一生員之家父母賢智者子當受教父母愚魯或
有非爲者子既讀書明理當再三懇告使父母
不陷於危亡

一生員立志當學爲忠臣清官書史所載忠清事
蹟務須互相講究凡利國愛民之事更宜留心
一生員居心忠厚正直讀書方有實用出仕必作
良吏若心術邪刻讀書必無成就爲官必取禍
患行害人之事者往往自殺其身常宜思省
一生員不可干求官長交結勢要希圖進身若果

上
天知之必加以福

身忍性凡有司官衙門不可輕入

之事止許家人代告不許干與他人詞

訟他人亦不許牽連生員作證

一為學當尊敬先生若講說皆須誠心聽受如有

未明從容再講毋妄行辯難為師者亦當盡心

教訓勿致違

一軍民一切稱病不許生員上書陳言如有一言

建白以違制論黜革治罪

樓霞縣志

卷之八

二十七

一立異不許每黨多人立盟結社把持官府武斷

心所作文

禁

禁

性模刊行

建宜陽縣土地祠碑記

明邑人 牟道行 撰

余聞萬物本乎土而載版籍者載茲土而縣址基焉
 卽生茲土之物而兆民寓焉余自庚戌年孟秋奉簡
 命蒞茲土之民茲土俗淳事簡與鄙性適相宜余矢
 心撫字卽課士藝招移民緩催科賑饑饉不過以平
 易事近日用民無甚奇巧可以標異見德於衆而環
 宜之富者窶者販者監者奔趨而歸市者罔不各樂
 天年余雖不敢謂有擊壤之風而上下亦頗稱相安
 云顧養民者余而生余恩養之民者非宜之司土者
 樓霞縣志 卷之八 碑 三

耶使司土不生茲民余有恩將安施又使司土生茲
 民而天札疵癘之患種種相侵余施恩將安終是余
 雖不浚民以生而成余養民之功者仰於司土實式
 憑之而余敢忘明德耶宜陽舊制司土之祠外無垣
 墻內無壇宇厠立於賓館之途而錯列於諸室之中
 若非崇奉爲祀者然而余心安乎不安乎余故捐俸
 命工鼎新之較常貫稍遠且大焉非余好爲更張以
 滋紛擾大德禔福匪可以尋常尸而祝之者爲之圍
 垣疊障昭司土靜深之體也爲之規摹弘遠昭司土

博厚之功也爲之榱桷輝煌几筵綵幣昭司土日新
富有之仁也厥功告成雖不能仰答萬一聊以報其
生物之恩而因以寄余區區爲民之一念耳敬以筆
之記中萬曆四十三年四月廿四日吉旦

重修宜陽縣養濟院碑記

明邑舉人牟道行撰

昔吾夫子論志而曰老者安之夫天下可矜可憫足以動吾隱衷者何限胡獨孜孜於一老爲蓋惟是老者奄奄垂盡之息或左右無依鰥獨罔倚則窮年莫控末路誰憐徒輾轉以就壑耳故先王暨政施仁必先養老教以樹畜廸以蚕桑令其衣帛食肉所以自爲養也執醬而饋執醕而獻祝哽在前祝咽在後所以養之也不得已而又下車以問躬蒞以詢施體惠廢所以必使得所養也我太祖高皇帝平定海內

樓震縣志

卷之八 碑

三十四

勅凡郡邑設立惠民藥局養濟院仁哉千古聖帝明王統此心矣爲有司者奉行勿替民終賴焉若之何其竟以彌文視耶宜陽介在伊洛疲瘠甲於他邑兼以賦重歲歉其間鰥寡孤獨顛連而無告者十室而九余父母是方痛心愴目按戶計口細心稽核凡屬無依悉收之院庶幾可以無失所矣奈養濟院舊設西關歲久頽廢人多室少猶然露棲余捐俸鳩材躬爲相度沿舊而增飭之其房四十餘間人授之室獲有寧宇廩養以時熙熙皞皞於堯天舜日之下無復

向隅之悲也余不佞亦得藉手以少承 聖天子德
意無負斯民之父母嗟乎乘輿難於濟人投醪何以
醉衆一養濟烏能盡宜之人而濟之然愛牛王齊仁
言挾纊一念不忍遂見天地之心况司民牧者苟坐
視赤子之瘡痍而不一爲拯恤惡在其爲民父母耶
此余不佞勉爲是舉期少逭負乘之萬一也勒石以
告同志共推不忍之心如此是爲記萬曆四十三年
歲在乙卯仲夏二十日吉

李侯功德碑

明志部
員外

張應年撰

按輿圖登郡濱海而棲僻登南百餘里此極邊之邑
蒞是邑者非得才兼文武知人善任等出萬全者亦
難堪厥任惟我邑侯李公諱升吉號慶宇雁門人也
已巳冬剖符於棲仁而威惠而信下車未及期月會
董寇猖亂我侯明耻教戰先聲震魂而棲不爲害人
嘗曰我侯文吏也而嫻將畧矣且聰以知遠安不忘
危逾明年庚午命鑄劍置石火噐弓矢無不備具延
辛未冬有據登以叛者屠戮子姓慘不忍言復陷黃

棲霞縣志

卷之八

碑

二十八

陷招劫空圍萊羽書不通奸細載道我侯秉義勇提
三尺團鄉義兵不三日而有半萬計捐金調食人人
樂戰相地調度各盡其險乃身沙北寨立芝南封西
寨班山東棧涼口遍築箭牌週城陷坑晝則烽火浮
空夜則刁斗驚肅借著儒生叅謀寅僚何暇櫛沐未
經解甲聞萊陽告急卽整兵救援而萊城纔不致破
六月七月賊兩攻我棲城我侯披堅執銳舉旆左麾
左伏進兵舉旆右麾右伏進奇城頭火噐飛空矢石
交下禱神輒應風伯效霧一時素練精勇各呈其雄

噴風一呼敵竟披靡僵僕相枕遍我城濠綠野三疊
夜之攻圍不能當我君侯之一戰迨八月而官兵至
登因敵半載兀軍中所需若豆若芻如繩如鐵我侯
匹馬逐戶胷寒親督至若風雪城頭枕戈九月間關
谿澗屈指一週此尤人所最苦而難者也守禦功成
後我侯不忍掩人之功於共武之士紳則慰勞上奏
之於効死之義勇則豐犒而優恤之於陣亡之忠魂
則設醮而追薦之猗歟功業豈不偉哉蒞棲四載噓
以和風潤以甘雨修文不忘備武撫字寓於催科真
棲霞縣志

卷之八 碑

二十九

牧民之循吏治戎之良將吾儕孤城不失得遂生全
皆我侯之再造也我侯功不宜泯用是勒之於石佐
之者有賢尉王君諱經國海澄人並與有力焉是爲
記昔崇禎六年歲次癸酉秋八月吉日

何侯遺愛碑

邑進士

牟國玠

鳳
撰

棲孱邑也又當大難之後邑侯何公承

天子命尹茲土未幾一歲而遷民戀之不可留謀碑勒以誌明德屬余書記其事夫棲自兵戈擾攘以來民不堪命矣田原荒於茂草丘廬剪爲荆榛入其鄉雞犬之聲不聞過國而問焉父號其子而夫泣其婦者噴噴乎盈耳也蓋自有茲邑未有變亂若是之甚者公下車惻然動念奮然與之更始興衰剔弊經始慮終讀初政一二大章朗朗數言洞悉殘黎隱痛知其挾

棲霞縣志

卷之八

碑

二十九之二

持大而所志甚遠矣時邑之頽也若瘠人之病患在膏肓治者憂憂其難之公大著調劑手相緩急而輕重布之招集流亡滅除荒稅亟力爲民請命元氣賴以不傷進老成者咨之徧詢民間疾苦如緩催徵勸耕墾獎善良澄奸蠹軫痼瘼如身受一取諸懷予之也尤念讞決之科動關民命亂國用重之書公不忍言也原情剖判必慎必矜餘民樂其好生三尺之內無冤獄焉蓋公之豈弟慈祥本諸天性其爲政也不矜名不徇俗一以至誠惻怛爲地方謀久遠之計故

能與大利除大害至使烽火餘燼猶得相生相養以
並適於光天化日之下者皆公之賜也公蒞任未及
期月一切經綸設施畧著規模而頓使風俗乂安境
內翕然望治誠使歷久任以課最將必講讓型仁躋
斯民於壽愷穎川渤海之化蓋未足多詎謂操刀甫
割又將抱利器而他適乎夫以公之才行公之志無
論所任何官所居何地皆得加惠元元以上報

天子而無如棲民之失望也棲民之戴公也如天其就公

也如日微公則危者不復安亡者不復存也今撫字

棲霞縣志

卷之八

碑

二十九之三

方中不旋踵而動去志雖嘉德懿績猶足風有位詔
來茲而閭左之艱難隱忍不得上陳者多矣荅荅赤
子抑何相遇之踈不復得藉公以年也公之恩德在
人身遺澤在人子孫他日顯德升聞贊襄

皇路

黼黻太平之畧方將勒之鐘鼎銘之旂常同星日而

垂不朽是雖不爲公之所樂道聊以棲邑之治具而

卜其必有是也寧僅澤一邑被一方哉昔召伯惠行

南國民爲愛之慕之則封其樹於甘棠今棲民之聞
公遷也父老子弟率皆額地呼天如嬰兒之失慈母

斯以知德化之深而流澤之遠且長也余因從_呂人
之請畧表其事以叙甘棠之後焉公東粵人諱際泰
字半千素爲海內大儒以戊戌進士稱治於棲云

署篆徐侯德政碑

邑廩生贈
內閣中書 牟作孚 撰

棲邑僻處山谿蓋土瘠民貧之邦也自我

皇清定鼎兵燹相繼地荒民逃賦稅之逋欠累數年而難
清獄訟之繁興盈案牘而莫結以故令是邑者率多
牽手羈足不旋踵而去間有一二久於其任者又皆
無端掛誤不克令終三十年來以治績升庸者僅得
兩人焉說者曰棲之風氣於長吏有未宜也說者曰
棲之民俗刁悍不可以德化感也嗚呼豈信然乎賈
誼曰移風易俗使斯民回心而向道非俗吏之所能

棲霞縣志 卷之八

碑

二十九之五

為然則棲民獨非三代之遺直哉亦顧上之治之者
何如耳招遠邑侯徐公諱守祖字裕光三韓人傑也
家世簪纓不乏從龍之彥而公則少負不羈英敏過
人年弱冠分符招邑才優龔黃政邁卓魯五載之中
謳歌載道嘖嘖稱奇棲人之瞻依仰望也久矣已未
冬來署茲邑甫下車即問民疾苦嚴革積弊陋規不
期月間民俗為之一變賦稅猶是也向之猷扑不前
者今則輸將恐後矣胥役猶是也向之舞弊為奸者
今則奉法惟謹矣至若愛民造士息訟勞農戢暴安

良輕賦恤獄種善政難以更僕數士民歎如父母
敬如神明僉謀叩陳 上臺題請兼攝兩邑而例有
所不得行也今我公不幸仙逝矣而實德莫述祝頌
無由棲民其何以爲情哉爰是臚列政績壽諸貞珉
誌公之德久而彌芳傳公之名遠而彌著徐公撫棲
之婆心庶自此其不朽也已倘後之令棲者聞風興
起得其意而做行之積逋可清獄訟可息民俗可勸
吏弊可懲將見名登上考超擢隨之庶幾知斯民非
甚無良而棲邑之猶可爲也徐公不大有造于棲也
棲霞縣志 卷之八
二十九之六
哉是爲記

一減羨耗在前徵銀每兩羨餘壹錢外以叁分爲
解費公悉除去以兩兌兩量留起解之需民咸
樂輸

一禁科派在前上下之費多派地丁公日筑築赤
子何以堪此一切報罷至歲終填宅常例槩行
蠲免黎庶其蘇

一嚴積蠹在前蠹吏多肆侵漁那輕移重害官及
民牢不可破公神武不試吏咸畏服兢兢守法

積弊立清

一革押差在前每社遺差督催正糧多以里甲爲奇貨公追徵有法民樂子來卽里長亦若無事立革其差人咸便之

一飭銀役銀匠認看銀色民多被其勒索動輒鎔化耗折無筭公著爲定例但期足色不許任意傾銷每兩給錢捌文適足供炭火之資兩稱無累

一恤行戶在前各行定有官價公一切日用俱現

發紋銀市厘無擾

一慎刑獄公嚴於執法濟之以寬非有大故不行羈禁囹圄頓空民無冤獄

一杜刁風時俗多偷好爲健訟輕生之徒多自盡以希圖賴公張示禁約槩置勿論由是民以捨命相戒或逞私忿無隙可控動以欺隱地畝爲辭莫可究詰公稔知之嚴懲刁告而無情者屏息今稱無訟焉

一端士習棲士日賤公起而貴之崇禮義勵廉恥

完糧而外不聞追呼之擾多士從此自愛絕跡
公門文教頓興

一扶良善在前無籍之徒武斷鄉曲人多患之公
扶弱抑強暴惡望風斂跡四民帖然

公署事僅半載實心實政難以殫述約舉大畧
可見一斑聊以當甘棠之遺意云

康熙十有九年庚申孟夏月吉日

陞任羅侯德政碑

邑進士 牟國玠鳳仙撰

公福建永安人諱南星字榆園於康熙辛未冬由拔貢膺

簡命來綰棲符棲彈丸疲邑也兵燹以來瘡痍未起者三十餘年前任父母相繼撫綏而積弊叢奸牢不可破安常襲故民氣未舒乃至視田產爲棄物有典田於人而棲身無所者有乞代招錢糧而以其地白送者有荒蕪其地而遠避之他鄉者蓋棲民之病也丁地捏報於重科寄庄懸攤於里甲追比弄權於吏胥單棲霞縣志

卷之八

碑

二十九之九

頭分押於社差名目繁而加派滋種種陋規日出而未有已斯民幸生

堯舜之世耕田鑿井而日腴月削甚至賣田鬻子而猶受

敲扑此民所以奔竄流亡而不暇顧也公下車清問民艱噢咻布德日劑量於百里間舉前政之不便於民者盡行罷除首葺苛派寓撫字於糴徵正供之外一錢不選先是郡丞崔公來署篆目擊瘡痍勞心綏撫然五日京兆未幾返轡自公臨而民氣復矣思艱圖易一以崔公德政爲師蚩蚩者祇相安於蕩蕩平

平之域如鳥翔天如魚游海如嚴冬之後乍覩陽春
欣欣然境內皆載生色也例歲有管糧徵胥類以厚
資營謀得之其志在於漁利遂以公事爲弁髦官無
課額確據但憑徵胥之口爲完欠勤惰不分而勤者
亦惰公於課額先清其原升堂比較展籍瞭然徵胥
不得高下其手無事嚴刑督責民咸樂輸至遣差押
社需索魚肉則有之矣於公事實全無裨益也公槩
停押差官無廢事而里井不擾至土棍豪猾恃強陵
弱實繁有徒交通奸胥下吏取必於官而禍福乎人

樓書縣志

卷之八

碑

二十九之十

小不如意災患立至相習成風雖士林不免公崇正
望邪豪強歛跡太陽一照陰霧旋消非中流之砥柱
歟俗尙之不古也徃徃有投繯病故輒以毒命竒冤
紛紛具控不過原告希冀借此以罔利耳而鄉下愚
民稍有身計者或至田產丘墟家貲蕩然而無所陳
訴公燭其弊指稱人命混賴者除卽立行掩埋外仍
以誣告嚴懲而健訟頓息邇年來封疆大吏雅尙清
操乃官不敢干以私爲取徑於旁竇牘胥招權結之
以厚賂提差下縣飽之以私囊此非民膏何以供之

公淵然無欲苞苴悉捐但知恤閭左之艱而要津之德怨任之乃有彌縫日工究亦未盡脫然公獨抗志孤行各上憲心且儀之非潔操勁節實足感孚能於盤錯中別利器耶他若崇學校以優士子寬刑罰以踈文網禁刁頑以安良善嚴賭博以弭盜原發廩粟以賑孤貧罷行頭以通貿易食不兼味衣必再澣敝車贏馬坐無重裯一意與民休息三年間棲邑氣象改觀洵

與代良司牧哉夫自

棲霞縣志

卷之八

碑

二十九之五

聖朝開國以來棲之賢宰固衆矣而大有造於棲者惟我公與前任何公爲最著何公當戎馬蹂踐之餘拯予遺而出湯火除荒蕪之稅雪覆盆之冤保活生全如同再造脂車南旋之日萬民焚香載道流涕脫靴者絡繹不絕爲官至此可無憾矣公以清操介節受上官之知郡守羊幣褒嘉潘司鞍馬旌獎中丞部院飛章特薦

九五之上已知公與宰輔器而姑以州牧借公一籌蓋欲以邊關鎖鑰試鴻材而大用也今琴鶴將泮新任矣

閩邑紳衿父老折柳牽裾難於言別依依繫戀之情
視何公有加焉僉議稱公德政鐫石以垂永久夫公
善政班班胡可更僕數而余獨舉興除之大者畧述
梗概而三致意焉亦重念此民焉爾於戲宰棲如公
昭代一人而已居嘗慨故明之世牧民者刻削以爲政寧
獨無軫恤之心歟亦曰吾將營高官擁顯秩不得已
而重累乎民然多不免於自累公清風兩袖止知愛
吾民也由今觀之卽謂之善自愛也可得失從違之
際後之賢宰來臨者定知所以辨之矣

棲霞縣志

卷之八

碑

二十九之十二

修城記

署教諭
事舉人
吳

棲霞初未始有城壘土而城迨嘉靖戊午倭寇泛海
士民皇悸邑侯李公勦焉雉以石堞以磚圍四百三
十六丈高二丈八尺若圖其家政期爲不可搖之業
然內附未完公以事去嗣是惟補葺已爾越萬曆丁
丑登倅宋公視篆閱月城樓窩舖翼翼山峙矣緒令
鮑公單車隨至乃按行嘆曰城無內附竊思其復於
隍也已遂命工伐石役用舊編料用罰錢高圍石壘
咸如外城幕陳公董之戊寅二月事竣堅厚塙廣直
棲霞縣志

卷之八

記

三十

與翠屏白洋映帶而橐迺且縣治前居民擁迫不異
面墻公捐俸易之闕榭一衢樹坊一座題曰毓秀其
迓祥視遠若啟牖排軒以觀日月之光於戲厥功偉
矣可泯泯已耶諸鄉彥及林生彥郝生靖王生之垣
等懇余記余惟洛邑之營始之召公使攻位而五月
位成成之周公命殷廢而殷廢丕作何者民之攸暨
悅之真也茲城也李公首事於創始宋公續事於暫
署鮑公成事於初蒞而民心後先如一豈偶然哉李
公之遺愛長遠矣宋公俄傾之化藹若春膏而鮑公

理諸公之緒枚枚秩秩惠無秕政嚴無峻刑上下融
融安堵庶幾哉周召誠成保民之意乎由斯地利人
和相爲固結後之循良必道然動悅民之思而霞城
太平百千萬億無窮極公其孚先之績哉時相鮑公
以治者則縣丞黃公主簿李公敬併書之以垂不朽
宋公諱守孟長治人李公諱揆銅梁人鮑公諱霖青
陽人黃公諱茂梯儀真人李公諱蒙訓河曲人陳公
諱法合肥人

建廟學記

金李純甫撰

登之棲霞瀕海之隅阜昌初薙荆榛而縣焉地屬齊有秦漢之遺風故其人尚鬼道近世又以丘劉之說行蜂圍蟻結雲鼓波湧駕飛甍連巨棟塗金鏤碧其費不貲蓋與紫微之宮鴻陽之殿相兄弟羽衣緇冠之黨遐想蓬萊方丈隱隱在目睨聞亦天下之奇觀也獨章甫縫掖之士呻吟於華門龜牖之下茫無歸宿之地絃歌之音聞而寂然則素王之道幾何其不胥而爲黃冠之所涵耶卽今天子嗣位之元年有縣

棲霞縣志

卷之八

三十二

宰李公景道故河中府君景韓之季也下車將祀先師吏曰無廟當奠牲帛於廳事公大愕經營之志油然而蒂於胷次矣會士庶以興學請公欣然許之第以城邑窘隘未拓其址一日巡檢魏伯雄牒來廨西有隙地請舍諸公廨於州太史木甲公曰可主簿趙守真尉蒲察張奇實贊成之各捐廩粟以助費不徒而役不賦而征陶者瓦斲者斤鍛者火丁丁甍甍版土既封殿於其中翼以列廡繚以崇墉厨以西齋於東辰在舍而載火西流而畢輪焉奐焉沉沉乎新宮矣

繪塑之功曲盡其巧俎豆之器一鼓而成自是扼腕
之方士知仁義之學垂髫之小兒有揖讓之風其褒
衣博帶者將峩峩而來洋洋乎聞雅頌之聲於落成
之際會公被檄有京師之行屬其同年交李純甫志
純甫牢辭不可遂折簡於棲霞之士曰儒者之言與
方氏之說不兩立久矣請以近喻諸君嘗見夫海乎
汪洋澄渟浩無涯涘際空如碧白波不興魚龍鴻洞
不水其水此儒者之所謂日用而不知者隱然而風
雷震劃然而蛟龍鳴非不砰轟可喜大抵索隱行恠

棲霞縣志

卷之八

記

三十三

君子不爲彼方士之所慕吾儒之所羞也山東賢士
大夫觀水於其瀾必有能辨之者他日魁閣傑異之
才飄然凌雲志氣穿天心出月脇騎蟾蜍斧桂樹通
籍金馬待詔玉堂登瀛洲而仙去視方士之言如捕
風逐影將一洗而空之庶幾不負吾兄之意則吾言
尤信

重修廟學記

明登州衛進士戶部主事吳國相撰

李侯領聖天子休命出宰棲霞是邑也窮天之際極海之濱土壤斤於山麓民物習於桀鶩地之僻而習之陋也莫是爲最李侯大有懼色君子慰之曰道之行也不以地之僻而自阻也不以風之陋而自墮也存乎其自新而已耳李侯至邑傳稽政典果愜前聞作而嘆曰斯民也三代之遺也可如是乎越三日瞻禮孔廟見其宮墻圯蕪齋宇淪廢噐數淆雜衢巷蔽翳作而嘆曰治之敝也其在是乎其教化之無地而

棲霞縣志

卷之八 記

三十四

俊父之未儲乎蒞政之初百務不遑首舉斯典懇懇以作新文教爲己任掄材勸工稽程考費三月之後百度告成煥然明備不復何昔之陋矣是故隆敬一亭於後端尊時制也建啟聖殿於左掖崇先德也考名宦於東祠景前哲也齒鄉賢於西楹敦文獻也考禮樂之噐糾縻儼之頒時講誦之期懲游好之習優徭賦之筮葢蒞廟之氣一時士類反薄歸厚熙熙然三代之美也斐然成章矣於戲李侯之治其知重本歟事竣師儒徵記於相相不敏敢不颺言以俟一時

之盛竊惟天地之道不飭而成化聖人之教不飭而
成教李侯之作新文教無非謂造化聖道之精必文
而後顯耶夫樸者道之實也文者道之華也誠慤以
崇其質物采以賁其章合內外之道也世之求治者
吾惑焉以簡僻爲迂老以惰慢爲率真以振揚爲激
烈以勵精爲繁擾因循舊做徒俟遷秩於治化之本
少不垂意嗚呼文質彬彬孔子猶美周制而從之故
武城喜絃歌之雅宮墻歎富美之觀皆以治不可以
終陋而道之顯也存乎其文而已不然堯舜禹湯文

武周公曰濬哲文明曰懋昭日新曰於穆丕顯非是
道與愚於是而益信李侯之作新文教誠知治之本
而得道之要矣雖然作新之機有二道焉曰新民曰
自新李侯其兼而有之矣是故恤囚窮抑強暴懲游
惰勸催科節支度振兵旅嚴城堞李侯於是不徒專
於文焉而已也愚蓬萊逸人也幸覩厥成慶吾道之
維新也用是以勗多士其無負我侯作成文教之意
亦以仰副我聖治作人求賢之化亦無徒專於文焉
而已也侯名揆四川銅梁人登嘉靖丁酉鄉薦工器

於嘉靖三十七年三月落成於本年十月記之日則
次年三月也

棲霞縣志

卷之八

記

三十六

重修明倫堂記

邑進士知
南宮縣 牟國瓏 重季 撰

人道之常存存以倫也人倫之常明明以學也古先
王設學必建堂焉號之曰明倫所以扶綱常維名教
恃此具也堂亦重矣哉我棲自

皇清定鼎以來學宮屢修矣而明倫堂如故荏苒歲久將
就圯多士憂之邑侯鄭公慨然捐俸屬司鐸朱宋兩
先生督修焉兩先生盡心董理不月告成士咸喜請
記之以傳不朽余曰誠可傳也方今

朝廷重道右文重新闕里廟貌客歲又增修太學凡爲人

棲霞縣志

卷之八記

三十三

倫風化計者有加而無已宜有司之奉行無替也而
公能加意修葺不吝捐貲以卹副

聖天子作人雅意可謂識先務矣於是則公將以堂傳然
堂非虛設也孟子曰人倫明於上小民親於下王制
曰順先王詩書禮樂以造士賈誼曰移風易俗使天
下回心而嚮道類非俗吏之所能爲也故子游宰武
城比戶絃歌王阜令香泉泮宮鸞集范甯令餘杭興
學校養生徒期年教化大行之三賢者當代頌之奕
葉稱之並其地亦永壽天壤何其榮也後之君子非

不心羨之顧皇皇簿書錢穀是急而不暇及夫是
堂雖依然乎而絃歌成絕響矣公甫下車卽以斯文
爲念召諸生親試之拔其尤者獎賞之嗣又頻行考
課政事暇又數與之酌酒論文如家人歡士以此爭
自奮則今日復修講堂正本平日造士之實心爲之
古良牧之休風其猶未邈乎於是則堂又將以公傳
雖然公之意寧惟是傳後已乎堂以倫建也顧名思
義炳若日星也願自今聚斯堂者敦倫修行勉立忠
孝大節爲庶民倡坐斯堂者宣明倫理朝考夕儆令

棲霞縣志

卷之八記

三十一

士勿荒於嬉以順公教其後之鳴琴斯土者登斯堂
而興思焉以法律爲輕禮教爲重催科爲後作養爲
先亦當踵而行之俾宮墻之色丕煥絃誦之聲弗衰
庶吏治師訓士習民風交相砥礪以進於古則人倫
可常明而人道其永賴矣乎是爲記公諱占春字梅
邨福建福清人教諭朱君友韓沂州人訓導宋君其
仁金州衛人

義學碑記

邑拔貢生李任撰

樹穀必於田樹人必於學古者黨有庠術有序幼子十年就外傳十三學樂誦詩舞勺成童舞象教之循循有成法長則出貢未入橫經故人才日盛詩曰成人有德小子有造蓋以此也三代後郡縣設學而鄉學未聞焉民間子弟雖有俊秀蔑知詩書幾何而不以愚頑終也於時良司牧爲設館以補鄉學之缺名之曰義學以襄文治以育人才德莫厚焉然而行之者殊鮮其意曰此無益事何與我考成乎謂是爲無

棲霞縣志

卷之八 記

三五之五

益必將以逢迎科歛爲有益幾何而不以苛刻逞也此甘棠之愛所由與菁莪之化俱泯也方今

聖天子在上興學右文大化翔洽海內靡不向風而所在

奉行德意能以實心行實政者惟我邑侯鄭公爲最公闡中名宿秉鐸臺灣榮擢而蒞茲土下車以來草陋規除私派恤荒而澤及飛鴻編審而恩流比屋事以休養斯民爲念其於士也則有行者優禮之能文者甄拔之又不時課藝不時招飲以提撕之貧者或資以金粟周恤不一而足被其教者咸感且激蒸

燕期爲良士隣境亦多聞風而來脩卷隨考思得公
一言之褒爲榮士風之丕變從此可卜矣詩之頌君
子也曰豈曰弟豈以強教之弟以悅安之如此而後
謂民之父母公庶其無忝矣乎又念里巷窮民力不
能延師以教其子若弟多不免廢棄乃擇西關隙地
創建學舍甫鳩工適有省檄召公辦差趣就道乃命
捕衙督修剋期視成公旋羅城中總角並遠近願來
學者於其中而選師爲之訓焉一切皆公捐俸自爲
之事竣屬予爲記以勒石子思棲之絃歌寢衰也以
自公始何公之雅意樹人爲

廣德造之化者如此其殷殷無已耶昔子產之相鄭
也殖田疇教子弟仲尼稱之曰惠卓茂之宰密也力
行教化漢帝褒之封爲侯他若翁仲通令武平買地
建學以教民而家絃戶誦壽安尹玉山創立書院及
貢奎之爲義塾以待四方學者而名皆焜耀史冊以
公方之何多讓焉余故喜而誌之以見公之有造於

棲者大也而况既修以後有舉莫廢後之人必將慕而效之倣而行之而公之澤且歷萬世無替也則斯學也雖謂與甘棠比烈也亦宜

悅心亭記

李任式沈

人情莫不有悅悅乎內悅乎外皆悅也然在外之悅得之則欣失之則戚雖高爵厚祿榮耀一時而究於我乎無與非真悅也在內之悅大行不加窮居不損雖遭逢靡定夷險殊途而一無所累於其心乃真悅也真悅未可以矯而致在乎人之自得耳重季牟先生令南宮歸年尚壯都門故人多勸之復出先生弗應曰吾所悅不在是吾將以丘經老矣宅東隅有園就其地構一亭與南山對艸色嵐光時時在目先生

樓霞縣志

卷之八

記

三

悅之亭之前鑿一池池泉甘冽可烹茗中畜金魚十餘尾常游泳水面上先生悅之池週圍砌磚爲檻檻上置梅蘭二三盆檻下栽竹一叢菊數本風晨月夕竹影花香清幽可愛先生悅之因名其亭曰悅心亭悅心云者悅在內而不在外也亭上有古史數卷常評點之倦則焚香靜坐或與子姪講學論文所接見者二三知己外無多客官衙非公事不一至歷寒暑晦明無日不在亭有所悅故也先生負公輔之才宰一邑未竟所施人謂先生必鬱鬱不樂而先生怡然

自悅如是非矯也先生爲令廉明仁厚去之日泣送者數百人爲立碑爲建祠先生之名成矣云胡不悅家居差足自給又多賢子弟或溫醇而秀雅或磊落而英多冠帶雍容聚樂一堂先生之情適矣云胡不悅憶先生解綬時寄書於其姪中翰君曰吾罷官覺味淡而旨噫非實有所得亦烏知淡之中有旨也繹斯言可以知先生之心矣古之名賢告休多以酒爲悅栗里香山皆然先生不甚好酒而無乎不悅悅山水悅雲悅月悅棋悅琴悅花竹悅游魚鳴鳥人知此

棲霞縣志

卷之八 記

三三三

先生之所悅亭內皆有之而不知皆先生之悅之寄而非先生之真悅也先生之真悅惟理義耳孟子曰理義之悅我心猶芻豢之悅我口此性分之悅人心所自有而陷溺者不知也閔子曰入聞王道則樂之出見龍旂又樂之此性分之悅易爲紛華所開必厭飫久而乃得有芻豢之色也先生得之矣惟所得常足於中故不假欣戚於外不假欣戚於外故能知足能知足故墨綬不以爲輕山田不以爲薄歸休不以爲寂寞陶陶乎無往而不悅也與世之役情富貴而

康熙丁亥五月該縣

戚戚焉終其身者相去何如哉予與先生爲心交知
先生之悅之真而慨世之能有此悅者少也爰爲之
記

棲霞縣志

卷之八 記

手之四

尊經閣銘

元翰林
學士 張啟嚴 撰

惟人與物同具此形物得其氣之偏人得其氣之靈
曰靈伊何萬善是生一爲所見之或蔽則私欲馳騁
而無極聖人出而是正敷天倫之叙昭垂乎六經所
以爲百王之觀法爲萬世之儀型賢哉張公尹茲山
城構傑閣於泮水捐尊經以爲名考其命名之本意
信乎見道達而燭理明想其文化流行洽於民情禮
讓之風以興絃歌之聲日藝力行乎正途而不倦心
醉乎至理而不醒日新又新之不已可不謂明德之

棲霞縣志

卷之八

銘

三十七

維馨若然則公之化斯民也庶幾三年之有成彼有
術智能之末技聚黃金而滿篋斷喪本心之至善能
不抱愧而過斯處噫地闢俚月樓高擲星在一時爲
觀美會不知遺千載之餘麗金山可傾閣不可傾金
山可平基不可平壯吾道之元氣至萬世而燁燁青
青子矜於焉研精來遊來歌請觀斯銘

長春真人道行之銘

元翰林學士王之綱撰

扶桑賓日東海東三山並與蓬萊通羣仙來往乎其中
長春仙人道業隆出世不與羣仙同雲衢矯矯如
遊龍倏爾逕造崑崙峯重闕一見禮貌恭付真訣開
息聰潛德上聞達帝聰安車就徵示尊崇慶會千載
不易逢萬里又覲天九重敷陳至道皆由衷默然化
育存神功帝謂天錫吾仙翁一時寵眷恩數濃王章
覆護猶憐懔浩然而歸何匆匆奔走請謁來王公天
長入主修廢宮清明肇起元教宗無心橐籥猶守中

棲霞縣志卷之八

銘

三十八

殆非人力由天工四方學者如雲從智愚賢否者陶
鎔藩籬那肯分渠儂雷雨一夕騰虛空山摧澤涸頂
吉凶世緣八十談笑中後人嗣教追芳蹤緜緜若存
久益豐瑤章藥笈今擴充故山之陽白雲封有時猿
鶴悲秋風亭亭貞石新磨礪樹之祠傍伴岩松松枯
石爛海水紅仙名不朽垂無窮

麟仲牟公墓誌銘

有序

中書舍人禹都馬

挺撰

東海牟氏代有顯人爲棲邑文獻族相傳以詩書禮樂世其家年祖鏗明經乘鐸陰行善生子八皆士林翹楚一時有高陽周士之謠仲子麟仲先生余年伯也因長公述齋與余同捷南宮爲陳雷交遂得讀年伯家訓與傳序跋贊之文其一生文學孝友讜論訐謨諸名公鉅卿言之詳且盡矣再爲鋪揚則蹈架屋疊牀之譏畧爲披陳懼有落錦遺珠之嘆聊綴銘詞以表聞風興起高山景行之意云敬銘曰

棲霞縣志

卷之八

銘

三十八之二

增補

驪珠在淵其川自媚隋壁在石其山自潤君子在野其德自豐世無真儒瓦缶雷鳴惟我年伯潤山之壁媚川之珠孺慕情篤南陔可補墳笮師友謝草唐竹教宗家語持聞有術清白貽謀鳳毛式穀士苴軒冕蘇嘯箕瓢惟公乃至邑宰上書原隰昫昫則壤定賦大經大猷桑梓食福富江之逸洛社之英聿我年伯何以狀之青箱世澤玉樹才名孤松叅漢海鶴凌雲正位是立安宅吾居千秋宗範可以起予

邑乘序

知縣

何思鰲

邑之有志關涉吏治匪淺鮮也由今上論居邇逃稽因地而宜順民而使則一開卷益耳顧樓不足徵也可奈何余故亟亟購遺書采故實意且經始有王生之垣手一編以進曰棲霞志藁叩所自曰嘉靖間諭周君澍嘗率太學生王誥集焉嗣是訓任君傑又嘗率諸生王瑤于鯉林繩武郝潔續焉惜未成書遂塵家壁此一時乎其可興也已余喜竟所讀則萬曆己卯而上文多闕事復歲異而月不同且致疑王氏一

棲霞縣志

卷之八

序

三十九

家言也屬博士先生羅君細嚴君三策仍率之垣等拾遺而核實閱數月授余全書余始得以山簿之餘膏宵之力稍稍贊一詞舛者易之當者因之蕪者芟之漏者益之間綴數言漫摭一得是可以志乎久汗懾不敢出擬藏拙也會督學李公徵志諸郡邑下令昔卽無今必有余又不敢不出噫歎今郡邑志卽古所謂方書志都邑簿風土記之流皆史之別也譚何容易哉余旣乏四聰又匪三長其何能詳詳畧畧而斐然滅章乃以當作者則謂之何第曰不有草創潤

色焉施令他日東里君子提槩而來燃藜一枝睡史
成而文足徵也余不得爲裨諶耶儻庶幾矣萬曆辛
卯莫春上瀚之吉書於水蘄堂中

邑乘序

明邑人 牟道行

縣志本自王氏家抄成於何老師手筆考訂潤色雖因實創也自里社戶口錢穀山川景物宦縉節義王言藝林凡關盛衰繫休戚昭法戒者靡不備載有論有斷有傳種種皆肝膈語蓋吾師家視邑而子視民故舉獲之情形宛然在目爰是上之督學大司馬李老師稱之曰是必能爲樓霞者梓而弗就迄無所成歲庚戌不穀宰宜陽始謀歸德別駕廷鉦共梓成書遂與職方輿圖諸誌林相輝映俾吾樓不至喪失而

樓霞縣志

卷之八 序

四十一

求諸野師之手澤由以不朽予師弟兩人相成之誼亦藉是以不朽矣敬述巔末期與斯志而共徵之不穀甫遊庠後生新進落落未有奇也師課藝諸生覽蝸技而咤以爲最且以爲相見之晚也蓋鼠而朴之燕石而珍懷之曠然馳騁黃牝牡之觀矣辛卯不穀試秋闈遂竽多士網駕焉獲闖天閉敢矜逸足而吾師一顧之惠溼於孫陽所當在三戴之者然駑駘無能更步以貽吾師羞牝驪之觀不猶虛望耶惟是志之梓有以竟師之未竟倘異日父母吾樓者感心吾

師之心棲之縉紳士義夫節婦聞吾師之誌棲者觀
感興起則師之不朽當何如不穀亦少答在三之誼
而異日者亦知吾與師始終相成之誼如此則固有
所謂不朽者已昌黎氏有言曰莫爲之前雖美弗彰
莫爲之後雖盛弗傳茲於斯言庶幾焉師之長公諱
如申官大叅次公諱如龜官諭德列魏齊無行將大
揚其道於天下萬世倘欲採先武過化之神以廣家
乘則斯固其印證也又微獨志吾棲云爾故謹述其
槩以志諸不朽如此若夫頌揚象藻表揚瓊華則有
贅爲萬曆壬子中秋之吉

諸公祖之簡章及諸名公之彤管具在余不穀何多

牟麟仲家訓序

大學士澤州

陳廷敬

說

古之學者莫不有師至於公卿望族則相傳自有家法子與氏所謂樂有賢父兄也小宛之詩曰明發不寐有懷二人我日斯邁而月斯征家庭之間兄弟相勗但曰無忝所生甚矣父兄之教之所繁重也東海牟氏代有馴行而麟仲公能以孝謹世其家痛大父早世率先伯氏督課諸季擬義方之訓不啻先人之耳提之面命之諄履懷戚如讀蓼莪之詩未嘗不爲流涕也夫一夫之田蕪穢不治有苗有莠八家之井

樓霞縣志

卷之八

序

四十二之二

增補

刈獲不時有歉有穰今公兄弟八人先後卓然成立譬之保嘉穀於鍼芒而獲秋成之穎栗固天之誕降有殊而芟柞耘耔之辛勤蓋非旦夕所能責報也余不識公而公之昆季兩人出余門下今又獲交公之子農部公述齋循循謹飭言動以禮是能世公家法者公雖不顯於時讀其與縣令諸書乞除過撥歇地之累言利病爲最悉樓霞人陰受其福而不知也則公固已施於政矣經曰惟孝友于兄弟施於有政是亦爲政由是言之是編也豈直牟氏之家法哉與凡

爲人子爲人弟及司牧者告固善天下而有餘也是
爲序

棲霞縣志

卷之八序

學士之三

增補

垣家世縣治二百餘祀未聞樓有志嘉靖丙午先君伯泉翁誥曰郡邑志所爲存往迪後也吾邑獨無何以徵觀化謀於學諭羅源周師澍共輯之採往蹟於耆宿拾遺文於斷碑分帙校讐不越月而脫稿以力誠未梓家藏之俟勤政者追戊午先君謝世川中李父母揆令是邑之明年購之垣家示學訓任師傑率弟子先仲父季泉翁謠變區于公鯉麓泉馬公時正忠軒林公繩武他山郝公潔等相與重訂甫成李父

樓霞縣志

卷之八 藝文

四十三

母以事去年復一年真本傳落僅存草耳萬曆己卯青陽鮑父母索之校中出之以應垣時值內艱受命考正蓋是書始自先帝漸及澀沒今日之命國所願也勉以讀禮之餘詳加更定乃亦未就而鮑父母以事去幸古桐何父母露穎茲邑公餘取垣所存稿親乘筆削潤色事辭類標數語條綴一斷該而理簡而文無能增減一字翼工付剞劂未果至萬曆庚戌樓志始成兆可牟公時筮仕定陽暨乃姪靜甫時判歸德相與梓之蓋聞不朽事三立德立言立功何父

下車以來綏寤懷竄威得煦良服無赭處無褻德功
懋矣維是一編數十年間諸君子之手凡幾更而竟
成於此日立言固有待乎其於不朽蓋兼之矣不肖
垣亦何幸傲何父母暨牟公惠使克畢生平未畢之
志且以藉手謝兩先人豈偶然哉不揣謏劣僭言末
簡蓋亦重有感云萬曆壬子仲夏之吉書於坦蕩軒
中

麟仲牟公墓表

大學士沁州吳

璵諡端

登之棲霞有君子儒焉牟其姓作孚其名號麟仲績學力行爲善於鄉顧數奇不遇齋志以歿歿而更一紀其子怕舉進士官內閣中書未幾逢 覃恩贈麟仲如怕官甲申秋怕持大宗伯長洲韓公所爲麟仲傳謁余而請曰吾先人之葬已久未有刻文莫由光泉壤示子孫敢丐夫子一言表墓道用垂不朽怕余年家子也又晨夕上下共事將七載揆義不可辭按牟氏系出楚之公安其始祖敬祖來仕於棲因家焉

棲霞縣志

卷之八

墓表

四之二

閱數傳洎麟仲之父鏜以明經授霑化訓導有丈夫子八鳳伯居長麟仲其二也方弱冠父母俱卽世備歷艱辛痛厥弟幼愿弗逮趨庭懼無以紹先業爰擬親命以命已及諸弟其意勤以懇其詞婉而肅冀當感動益自刻苦以有成庶慰親於地下也諸弟各受教惟謹以次採芹食餼名噪黌序中其季弟國瓏於戊辰捷南宮辛未成進士與其伯兄壬戌進士國玠後先輝映棲人美牟氏家世者咸嘖嘖稱麟仲孝友不置云麟仲少魁岸負氣節昂然若鶴立雞羣見者

莫不聳異常鍵戶誦讀爲文高邁屢試輒前茅或動以私利則退怯遠避如懦夫顧勇於爲義邑有大利害卽侃侃白諸有司前後爲何令吳令所器重每折節咨訪督學使者按部舉行優有司兩以麟仲應士論允服焉久困棘闈下帷攻苦仍自若推其所以教弟者教子一門內昆季子姓熙熙然有絃誦之樂有簪組之榮宜其臻大耋享期願以彰天道之報施善人夫何得年五十而崦嵫忽迫豈理可必而數不可必耶抑天之報施不於其身於其身後耶昔歐陽文

棲霞縣志

卷之八

墓表

四十四之三

忠公有言士之爲善者雖湮沒幽鬱其潛德隱行必有時而發而遲速顯晦在其子孫恒也取高第而職西清其前此矣方今

望天子以孝治天下所以褒寵勸勵臣子之意靡不隆且厚恒尚勉乎哉夙夜匪懈卓然自樹立用副無忝所生之訓人將謂棲霞麟仲牟公於是乎不朽則夫顯揚烜赫其親者正未有艾也姑表諸阡以俟之

烈婦林氏墓表

明教周澍撰

嘉靖二十二年十一月三日烈婦卒謹按烈婦姓林係本縣荆芥社人年十六適邑人隋一龍妻匝歲一龍嬰疾危篤烈婦度不可起先期至母家訣曰今而後吾不復來矣毋駭其言因詒曰夫或不起則寡婦也寡婦其復出乎初不疑其死也未幾一龍死邑俗屬纊時移廳事沐浴衣冠以俟氣絕明正寢也烈婦待夫命盡遂之臥內自經時喪事匆匆闔眷聚哭未遑更顧烈婦烈婦雖常有死殉之言而人亦不以爲

棲霞縣志

卷之八

墓表

四十五

然也頃之解嚴失烈婦所在恠之索之臥內而烈婦死矣嗚呼死生亦大矣人有一髮之利尚眷眷不忍舍豈有頓捐生而不恤者哉太史公謂死有重於太山有輕於鴻毛夫人孰不死惟夫決性命之情而失義理之正故有當死而避苟偷視息者矣若夫豫定於疇昔之事慷慨於須臾之際如烈婦者豈可觀一二於千載哉烈婦以粉黛笄禕之人非有詩書之啟發師友之漸磨而義烈出於天性若素教然世之讀書窮理稱名儒者一旦臨死生禍變之際遑遑顧忌

若不忍舍及事機一失大節頓墮抱愧終身後雖欲
死亦無及矣視烈婦寧不深可汗顏也哉

侯贈文林郎兩舉鄉飲大賓鳳伯牟公暨亂李

何兩孺人傳

中山王之樞 恒麓撰

牟公國玠字錫韓號鳳伯山左棲霞人也牟氏於棲
爲冠族甲第而仕宦者代不絕而公爲人尤端慤醇
謹讀書積行世其家年十六舉博士弟子有聲郡邑
間二十三父母先後不祿以平昔未盡孝友罪莫贖
不可以爲人於是深自刻勵以省其身時昆弟八人
公爲長仲弟亦列名膠庠餘幼未成立饑寒坐困仲
弟與公煢煢相對愴然曰困至此極矣非奮志讀書

棲霞縣志

卷之八

傳

四十一之二

無能有起色公感其言因獨以身支賦稅慶弔事而
令仲氏攻苦身先以課諸弟寒暑晨夕無少間公天
資過人肆應之餘常就几案爲諸弟講授每一追念
先人則悲慟哀傷嘗有不得於心引楚自撲其掌以
志傲悔或述父母遺訓以訓諸弟諄諄若面命以故
諸弟皆勤惕修行學文相繼受知於學使公二十八
而食郡餼重加省謂人不能稍踐形卽虛生天地爰
作鑒心錄以自鏡妄念一生則筆之於編務朝夕觀
覽以繩愆謬無阿邑遭變玉石俱焚公兄弟繫獄者

七三年然後雪雖在縲繼日與諸弟考文藝採史略
讀書樂道如其素歲丙午公遂領鄉薦壬戌登進士
方公之領鄉薦也傲諸弟曰我之倖科名非關學問
由先世積善故且先澤深厚矣應必有昌而熾者而
公之弟國瓏姪恒惘相率取科第如公言然皆父兄
教子弟用爲家法其未舉進士而秉鐸長山也值裁
俸與同官各餘七金以食同官某苦祿薄也公曰余
輩官雖卑職司風教任重矣君今初涖此我任已多
年雖食此猶曠職是懼君但自盡其職勿戚戚爲也

棲霞縣志

卷之八

傳

四六之三

同官以爲然公在長山歷八載集佐貳同官約尚德
會進諸門人講學考業勵以名行不徒爭詞翰工重
修學宮殿廡及門閣之頽敗者復造齋房十餘間旣
登第當辭任所存錢粟以次賑資貧士貧民並鰥寡
孤獨廢疾不得其養者當是時邑宰巨室交愧士民
爭誦甚有唏噓流涕者瀕行環而送餞者填塞於道
馬至不得前及歸無復留心仕進築書堂令羣子姪
萃處而一意訓教之上稱先德下究文字疊疊講述
常夜分不寐自幼至老好讀書終日危坐手不釋

性尚樸儉雅不喜飲酒非祭祀享賓客不肉食見田
中有飾器用美衣服者戒子孫勿效課農桑以贍其
身非公事足不履有司之庭澹然無營鄉國重其品
值行鄉飲酒禮合樂三終居西北賓位者再所著有
體恕齋詩文集家訓家譜及修邑乘諸書卒年六十
七遺命十有六條大都望子孫以希聖賢之意不僮
洞達死生之際而已也公之子慎廩生孫曰篤庠生
循飭好學能文章曰贊曰符俱幼而業儒人以爲積
行善誨流澤久遠之驗云 公元配李氏性婉和相

棲霞縣志

卷之八 傳

四六

夫子有舉家風事翁姑以孝聞翁姑卒季弟龍甫七
齡撫之極其周至弟龍依依左右寸刻不能離親之
如慈母守夫子家法唯謹卽偶有過情相加無幾微
疾言遠色不幸早逝臨終睽睽以公幼翁爲念今逾
四十年季弟居嘗思及淚猶泫泫下非夫人至性懿
行迥出閭閻恒流曷致此後夫人何氏與公同郡人
素以恭順端淑甘貧習儉稱閭里迨年五十八而公
捐館一痛幾絕誓以身殉子與婦及諸娣姪臨請節
藎多方慰釋之不聽遠近姻族聞之羣聚挽留且引

且譬而終莫以回夫人心夫人因相告曰我年就木無幼子女當撫子婦皆成立向者飲食動履爲亡者扶持周旋今則已矣白首相從地下足矣何苦稱未亡人悲悼餘年爲廼散所有以予侍公湯藥之人而自棄其生家人不及覺也嗟乎視死如歸致命遂義聖賢豪傑之難事非易責於巾幗中者而夫人獨能之史書所稱烈丈夫何以過哉然苟非實得於夫子講論之餘熟聞夫禮義之訓烏能捐生殉節略無孺恐之志如斯耶吁夫人之氣烈牟公有以邇之也已

棲霞縣志

卷之八

傳

四十六之五

樞曰余幼聞牟公濟川之佐我真郡也多善政父老歌思其德者久不諼有孫國瓏今復宰我郡之南官惠愛如其大父何牟氏世有造於我郡耶惟公善承先澤而益培之爾公爲濟川家孫而瓏也則其弟曩者余一見公於燕邸衣冠言貌甚古稱異其爲人而瓏也出余門因得知公行事更悉焉其行成乎身而道訓天下陳太丘之流亞歟六十而後超然吏隱高臥林泉爲聖世之逸民易曰鴻漸於逵其羽可用爲儀公之謂矣

勅贈徵仕郎內閣中書麟仲牟公傳

長洲韓 葵 慕廬 撰

先生牟公名作孚字信萬登州棲霞人初名國璞字舍輝爲邑名諸生以覃恩贈徵仕郎內閣中書舍人父鏜男八人先生則其仲子也甫弱冠父母俱卒日夜哭泣自力於成而推以勗其諸弟常先其伯兄時季弟未入縣學痛親之愛憐少子之意嘗擬親命以命已曰我父母若曰辛卯歲爾母棄爾輩去逾年爾父又棄爾輩不得見成立爾父母遺憾多也爾弟幼棲霞縣志 卷之八 傳 四十六之六

惟爾輩是依有能抑其驕制其矜教以義帥以正鼓舞以作其勤撻記以戒其惰是惕其心者也戚也有緘其口藏其舌誘以淫佚倡以邪說待之如賓加以以貌是忘其心者也疎也爾尚念茲其日誦勿忘又擬親命以命其弟曰我父母若曰爾幼惟爾諸兄是依爾諸兄有抑爾驕制爾矜教爾義帥爾正鼓舞以作爾勤撻記以懲爾惰是戚爾也爾其敬而從之苟反是是疎爾也爾其和以商之爾尚念茲其日誦勿忘伯兄國玠亦賢者也約其義而爲詩曰人有百行

孝爲之首親五言矣孝乃在友幼弟無成維我之咎
先訓如在銘心誦口又曰人有百行孝爲之首親其
往矣志昌厥後身爲白丁云胡不恟先訓如在銘心
誦口今進士中書舍人恒者先生子也先生常條其
命兒者曰體親心勿致疾亟讀書時努力敬爾諸父
與諸母友爾兄弟以及於爾妹若姊爾惟夫夫以刑
于婦婦均平爾慈及臧婢事罔小大知儉知勤可長
久又條其命婦者曰爾毋自請其所須必謀諸小姑
無暱於而家以從其夫上堂省姑日惟四脫有誦讓

棲霞縣志

卷之八

傳

四十六之七

色以愉無蓄私財事無專揚聲勿高言無誣日侍姑
側亦無戲以淪見私親語勿絮而夫是俱先生之教
如此棲霞人稱牟氏家法云嗟夫教家之難也往往
功名震世才氣發聞而揆諸家人反身之義玷闕者
衆也先生篤於知本矣如其訓也可以風世先生在已
世好泊如獨勇於爲義其鄉之利病不啻如其在已
嘗爲縣言過撥地糧之害過撥者始縣四十六錢
糧俱在本社數頗均而催征便自過撥法行田與籍
貿亂稅多寡不均或社東而催征於西役煩民苦又

言縣熟地歇地之別熟地者歲耕不歇計畝而征歇地者山坡川澤或歇一年二年而一種向逢丈量不在丈限乞仍舊貫由過撥之說則經界之所以當正也由歇地之說則一易再易之所以當差也豈獨一縣爲然哉故并著之足爲凡司牧者告且以待後日史氏之有考焉

棲霞縣志

卷之八

傳

學志

烈婦呂氏傳

署登學教
授進士
邵士梅撰

氏家於山左之棲邑父名甲字海臣別字痴人邑學生也母藥氏邑故家鳳洲公之伯女歲甲申春二月藥氏夢神人貽仙桃一枚吞之覺以其兆語夫夫占得兌之上爻曰此女象也藥氏遂娠於是年十一月朔三日巳時產一女因以其占之卦名名焉是氏之始生固有異乎人者矣後復舉二子一名大呂一名仲呂皆氏之同母弟也氏生六歲卽請女紅九歲氏父乃許字於邑庠生劉焜之子坦爲室坦少氏二

棲霞縣志

卷之八

傳

四十七

歲歲甲午氏母藥氏卒氏父乃寄其子女於鳳洲公之家而入勞山肄業氏同其兩弟依外祖父母而居其事外祖父母如其父母然以故得外祖父母歡嘗語人曰有甥如此吾女可以安然於九原矣越明年乙未氏父復娶邑之故家衣氏爲妻是氏之繼母也氏事之夙夜匪懈下氣怡聲衣氏稱其孝而氏慎終如始未敢以孝自居父因性情中正每取烈女傳教之氏皆能記誦且不忘自是之後非刺繡則誦讀未嘗一日或弛女訓也卽刺繡之中亦有異乎人者大

約於花則喜刺菊曰取其貞也喜刺蓮曰取其潔也
喜刺梅曰取其寒而能馨也於鳥則喜刺鴛曰取其
定偶而不亂也鼯厭琵琶曰樂此豈正音乎厭對再
醮婦曰此等人尚有面目見人乎及辛丑之歲棲邑
盜起烽火無息時氏且十八歲矣父念其于歸愆期
於冬十二月除日草備粧奩而嫁於劉氏焉結褵未
幾適舅姑有招遠之役氏從其夫同往雖流離困苦
其執婦道惟謹亦可知氏之間視勤而室家宜也無
何於壬寅之夏四月而夫病矣氏勉進湯藥寢食靡
棲霞縣志卷之八傳

四十八

遑晝夜不解衣帶者三十餘日再逾月而夫之病且
篤矣夫病危語氏曰我不能保其生善事後人氏泣
對曰君何言乎詩云恐着主人衣爲人作春妍倘旻
天不吊君歿我且以身殉矣敢有二念遂不食三日
至五月十七日酉時夫歿氏仰天大哭悲痛幾絕鄰
婦某氏趨往救之方甦氏怒曰子救我乎害我也某
氏曰子適劉無出年在齠齡何自苦乃爾氏曰生爲
劉氏人歿爲劉氏鬼理宜然也人有百歲不歿者乎
從夫地下吾願足矣又何憾焉某氏因他往氏乃解

帶自經於夫側是時乃本日之戌刻也次日父往吊
之曰兒兮兒兮爾果死耶吾可謂有女矣鄉鄰聞之
皆曰此奇節不可沒也遂以其事聞於上云

烈婦柳氏傳

邑人 李唐裔 撰

柳烈婦者本縣白馬社柳長生之女邑生員高朝舉
次男庠生高灝之繼妻也灝初娶程氏生子甫五歲
而程卒繼聘柳氏氏幼孤撫養於外祖生員馬胤祚
家貞慤性成能曉大義十六歲歸灝爲繼室灝有痼
疾柳侍湯藥久無懈色微見不悅則和顏受笞以釋
其怒灝且歿曰我病久良苦汝異日他適幸勿怨柳
曰夫婦同體德怨安從生君善保重勿以妾爲念妾
志已定恨不能爲君養幼子耳灝默然未幾而氣絕
棲霞縣志 卷之八 傳 五十一

柳辦理棺殮至痛無淚遂於夫殮之第三日縊於柩
側歲九月侍病八月年十七君子謂柳氏潔正誠信
果於就義詩曰德音莫遺及爾同歿柳氏之謂也贊
曰柳氏節義殉烈矢志夫方就殮赴之不貳誠信勇
敢必歿無避君子美之以風晚季

牟麟仲先生贊

大宗伯杜

臻

粵稽盛世孝友之風先著閭里茲有牟公居東海濱
篤實踐履元耶凱耶同氣八人公惟仲氏親之云云
七在膠庠一纒亂齒童子何知教迪不先逝將跣馳
公曰嗟吁弟也無成時予之恥弟維兄依擬父母介
爰勗諸已兄維弟撫擬父母命爰勗厥弟三弟肄業
或荒於嬉其忍扑捶弟責兄陪厥數維均嘗膽差儼
卒就成名茂實英聲蟬聯鵲起庭闈肅穆少長內外
不愆爾止子舍有條是訓是行之綱之紀友于刑于

樓霞縣志

卷之八

贊

五十一

增補

古貌古心嘖嘖遠邇下帷丘園鍵戶經年不入城市
有關利病慷慨陳辭篇牘綮綮當事虛懷亦欽德範
咨詢無已爲言地糧過撥之弊聿宜痛洗過撥伊何
糧不歸社推彼收此爲言清丈熟地歇地無容混視
熟地伊何膏腴歲收有穰無毀歇地伊何一易再易
垂諸周禮侃侃立言弊剔奸釐君子用臆豈惟一鄉
準之寰區斯真經濟伯兄有言仲氏多才我非其比
太史作傳謂有父風斯言良是余聞其風古人中求
今誰乃爾懿行嘉言可風斯世可垂青史天之報施

不於其身則於其子厥嗣奮迹驥首皇塗良不虛矣

懷慶縣志

卷之八

贊

并序

增補

古風

浴溫泉

明知縣 何思鰲

嶙峋艾山麓小有通靈津流出雲开坼湯湯尤不倫
煮石沸瓊珠煙靄浮荆榛穿沃䟽埒間方池面面勻
被櫻解沉疴相傳捷有神所以沂上人來往無冬春
我正苦煩渾一浴蘭芳新頓覺澤肌理還能湛天真
德水自希遊空懷淨土因君不見巢父洗心非洗耳
孺子濯清惟濯塵山中俱是振衣者出門恐已受汶

汶

棲霞縣志

卷之八 詩

五十一

遊濱都宮

明萊陽知縣 左思忠

仙葩銷炎燠微凉生層闕披襟受松風伏檻延山月
半夜白鶴鳴何處玉簫發卽是羨皇心飄然物可忽
清露沾衣裳不知何漸沒

步前韻

明邑人 林翰邦

來聽道士琴步入神仙闕夕日落下山好風吹上月
坐久塵慮忘酒闌豪興發真道自幽深世人何倏忽
白鶴大如人窗間出復沒

步前韻

明邑人 牟道行

縱步踏層芬徙倚元都闕悠然凌天風綽矣餐林月
眼空大千塵浩興乘虛發青紫豈云真黃白詎容忽
勤彼利名關浮雲多山沒

步前韻

邑人 郝晉

秋半携筇遊拂蘿入貝闕楓丹綴晚霞竹瘦生涼月
鳥向樹頭鳴山從雲外發玉池吊遺踪滄桑何飄忽
羽客方談元隔林村火沒

讀牟麟仲先生傳

狀元諭德 江寧 胡任興 芝山

書云孝友施於有政縱未獲施其本已正卓哉牟公
棲霞縣志  卷之八 詩 五十二

生有至性見義必爲與物無競孔孟是師聖賢自節
憫弟早孤代親未竟教而兼撫既嚴且敬課藝傳經
立心制行總藉薰陶致揚名姓門內肅雍家規端令
約已利人風高節勁爰及象賢嗣徽衍慶雁塔飛聲
鳳綸掌柄經濟初徵勲猷正盛世德作求吉暉想賦
所惜我公席珍待聘其志未成其業未振然亦可爲
世風堪爲人鏡也已

書牟麟仲先生行畧後

巡撫 河南 汪灝 文漪

牟公垂家誠煨煨內則篇讀之未終卷清風吹我前

燕居儼朝儀太丘光簡編松栢有本性擢枝亦貞堅
令子掌絲綸翼翼凜冰淵早知永箕裘奕葉歌蟬聯
薄俗安嘻嘻駿厲久無傳曲臺尊嚴君家肥非徒然
願同顏氏訓留輝琬琰鐫

牟氏家訓詩

有序

侍御 呂履恒 元素
新安

同年牟述齋出家訓示余則其先公麟仲先生年
伯所擬親命及其伯父鳳伯公所爲四言詩是要
焉親命者擬親之命以命已若弟痛厥弟之幼且
恫弗逮趨庭而代教之以冀有立也其詩曰親其
往矣孝乃在友幼弟無成維我之咎辭指深厚藹
惻有韋氏顏徐之風焉因繫以詩

棲霞縣志

卷之八

詩

五十二

增補

成周際太和宇宙一以新豈惟其君聖亦越有良臣
詩人歌張仲史氏紀君陳卓哉棲霞公今之初古入
昆弟如八龍厚德軼陳荀所嗟棠棣榮不見萱與椿
庭訓以思成警欬聞吾親訓辭旣深厚聲詩如先民
吾聞漢石氏家風稱至淳何如牟氏子群季皆鳳麟
事兄若嚴父娣姒咸彬彬厥惟家督賢義方命有申
須爲孝友傳特書告青旻

五言絕句

誠語 四首

元 丘處機

世情無斷滅法界有消磨好惡榮心曲漂淪奈爾何

又

有物先天貴無名自不生人心常隱伏法界任縱橫

又

雜亂朝還暮輕狂古到今空華空寂念若有若無心

又

狗物雙眸取勞生四大窮世間渾是假心上不知空

棲霞縣志 卷之八 詩

五十三

春日望翠屏 十首

何思齋

翠屏何崔巍蒼菁饒春色小窗相對開山樹屋頭又

又

翠屏何崔巍城郭藉其下流霞出洞頻殘瓦落庭榭

又

翠屏何崔巍隔窗送明媚謝眺有餘青不數東山屐

又

翠屏何崔巍界天亘千尺白鳥度林巒劃破一山碧

又

翠屏何崔巍上有桑麻頃野老鋤白雲彷彿非人境
又

翠屏何崔巍牛羊下山夕牧子隱豐林歌聲遙前席
又

翠屏何崔巍雲嶺踏青破日暮未歸誰高枕石頭卧
又

翠屏何崔巍不雨嵐煙濕清光欲照人排闥直深入
又

翠屏何崔巍佳氣抱林麓好風吹下山應遍迓七星
棲霞縣志

又

卷之八 詩

五十四

翠屏何崔巍苔封舊遊跡蕭闕山下人誰是羊公石

步前韻 十首

率道行

翠屏何崔巍萋萋芳草色風傳衆壑喧煙籠一徑仄
又

翠屏何崔巍雲光射上下排闥度雙青返照入高榭
又

翠屏何崔巍遠岫露光媚倚杖嘯長林穿雲著纈屐
又

翠屏何崔巍凌霄看咫尺振衣御風輕天光萬頃碧
又

翠屏何崔巍白雲三萬頃物外絕紅塵疑是蓬萊境
又

翠屏何崔巍殘照夕陽夕片月飛長空虛明當檻席
又

翠屏何崔巍展印苔文破捫蘿藉綠茵欲傷崖扉卧
又

翠屏何崔巍嵐重沾衣濕勝具濟遊情紆迴磴道入
棲霞縣志卷之八
詩
五十五

又

翠屏何崔巍霽色滿山麓霏微雲氣橫噴吮比王屋
又

翠屏何崔巍念故成陳跡仰止峴山情
灑嶙峋石

七言絕句

浴溫泉偶感

唐太宗妃■氏

滄海隆冬也異常小池何事滾如湯溶溶一脉流今古不為人間洗冷腸

按部過棲霞

元東西道徐漢臣

天外青山山外天澗邊茅舍舍邊田農家自得耕鋤樂飽翫白雲共紫煙

過棲霞

元東西道王君實

蓬萊南境是棲霞近水依山數百家風俗若能存古意武陵誰去覓桃花

棲霞縣志

卷之八 詩

五十六

棲霞道中

文翔鳳

雨臥煙炊就此間松濤檜韻不曾關潛龍過澗還疑客語鳥安林自選山

浴溫泉

何思鰲

碧沼虛涵一鑑清潺潺湧出夜珠明緇衣不染紅塵色徙倚滄浪咏濯纓

題艾山

明兵巡道錢勗

三疊嶙峋筆架攢中峯特起出雲端登州嶺嶠多如

簇惟有茲山獨好看

望翠屏山

郝晉

一聽驪歌泪欲斑危岑幾度水聲潺
忙趨不是爲中熱只乞山中雲半閒

南宮歸咏

牟國瓏

清風兩袖意蕭蕭三徑雖荒興自饒
世上由佗競富貴山中容我老魚樵

五言律

詠樓霞 十首

金令 李 惠

瀟灑樓霞縣週圍幾百家人淳無寇盜地窄少桑麻
古道依山險孤城傍水斜時平省公事日上未參衙

又

瀟灑樓霞縣羣山擁石城屋頭千仞聳林表數峯橫
煙靄侵衣潤嵐光照眼明微官養疎拙多病也身輕

又

瀟灑樓霞縣山荒遠驛塵休言君處僻幸免送迎頻

樓霞縣志 卷之八 詩

五十八

海近魚蝦廣泉井酒醴醇長林堪憇息咫尺對城闔

又

瀟灑樓霞縣區分十五都耕耘田瘠齒負載路崎嶇
蠶老攔街簇牛稀合戶租民淳質夏美珥筆莫相誣

又

瀟灑樓霞縣村墟一望遙地偏疎客旅山近足薪樵
夏半天微雨春深雪未消年豐人樂業處處起歌謠

又

瀟灑樓霞縣山高茂樹重煙嵐凝紫翠花草亂青紅

幽壑驚湍瀉巖崖細路通登臨須盡日醉耳愛松風

又

瀟灑棲霞縣巉巖仰艾山排空青巖巖到景水灣環
雪霽堆雲浪雲收擁翠鬟誰能卸塵網個裡一生閒

又

瀟灑棲霞縣金山古道場花鬢崇帝釋碑刻紀開皇
地僻煙塵遠庭空檜栢香老僧欣客至汲水薦松簧

又

瀟灑棲霞縣靈宮蔽太虛壇場天地府松竹道人廬

棲霞縣志

卷之八

詩

五十九

一點無塵跡千函有藏書何當叩真寂重整舊藍輿

又

瀟灑棲霞縣幽深吏隱堂門庭終日靜花木四時香
枉笏吟清健推琴脛思長人生安樂耳何處問仙鄉

省耕

知縣 盧 信

二月饒春色千般媚玉鞭名苑香折露高樹綠浮煙
鳥影拂山障鶯聲雜野絃乘時省農事不爲賞心便

遊濱都宮

世人 牟道立

藜杖星霜護逍遙趣自濃河陰開荇藻天半落芙蓉

靈境多佳况名山有異蹤長春知不遠仙侶可相從
謁長春像 何思鰲

長春不可見遺像挹清輝霧谷椒園岳松門塵尾揮
蒼茵敷石坐山鳥厭人飛忽作千年想緬懷丁令威
謁長春像 牟道行

扶筇開卷翠存息合幽栖鍊藥探金筍朝天祈玉圭
竈燃凝紫氣路迥濕青泥爲問長生訣塵根豈自迷

艾山

郝晉

攀躋來天上逢僧意更幽層峰環翠壁曲水漾珠流

棲霞縣志

卷之八 詩

六十

鳥韻鐘聲合嵐光樹色浮望中諸品淨似向鏡臺遊

感紳士等公舉嚴君崇祀賦謝 牟鏗

想我嚴君政優游易且平何當畏壘祝溢發里人情
敢謂昭公道差堪識且評銜恩無以報佩戴有餘生
得先府君宜陽三詩泣然有感 牟國瑾

王父昔年政相傳清且平開渠萬世澤讞獄一腔情
代隔觀輿論名存待史評千秋崇祀遠吾祖尙如生

遵原韻

牟國瓏

數載東陽牧深慚政未平悠然念祖德何獨協輿情

虎渡當年誦魚懸去後訶家聲清白在願已歎浮生
遵原韻 卒 恒

異代懷前蹟琴堂咏治平餽芬尊祀典歌頌識人情
揚美孫曾責持公賢哲評邑中存古道遠勝大梁生

山齋卽事

李 任

室靜臨空澗人閒坐翠微鹿麕當几臥蛺蝶扶書飛
幽水花爲檻荒垣苔作衣此中幽興足何必子陵磯

七言律

慈濟禪宮

何思鰲

元貞制作孤覺在學士文章片石留還是兩朝三聘
地如何千樹一時秋望中獨有吳門馬雲外空招秦
谷牛贏得浮生間半日數聲清磬共悠悠

登聖水菴

何思鰲

掬水尋香入翠微隔林浮度午鐘希路攀危磴蒼茵
清泉劈輕煙白練飛澗道細看梳石髮雨聲驚聽擊
雲扉經營却羨如神漢我欲飢覩坐不歸

棲霞縣志

卷之八 詩

六十一

登聖水菴

牟道行

行逕崔巍路更深支離鶴骨便登臨雲埋大陸空巉
削鍾逗虛堂遠石林雨濺珠光齊拂面脣飛素練獨
清心瀟瀟袖底驚回首欲覓仙源不可尋

溫泉浴罷登覽

翰林王言

天削芙蓉倚太空紫霞遙護翠微宮仙臺彷彿遺丹
火古寺依稀辦法鐘石磴漫攀忘力怯雲峯欲度幸
躬逢馮高極目驚秋晚四野踈林入壘中

金山八景 八首

郝晉

其一 翠屏出雲 山頂
有窩將雨則雲生

天門臺嶂芙蓉連上有靈窩吐似塵機見氣急迷翠
樹忽然驟變匝青天莫誇楚岫從龍起爭看蒼梧翼
鳳翻無俟崇朝消世愠遍成霖雨灑桑田

其二 艾麓溫泉

石竇 元津一鑑開氤氳紫氣籠珠胎光涵素魄金波
靜暖浸冰姿玉影回洗去煙嵐獨漱灑濯來星斗共
徘徊幾翫倚徙瑤池側移取清輝入酒杯

其三 長春仙井

棲霞縣志 卷之八

六十二

仙子成仙去不還空留仙井海東邊盤殘時作雷聲
轉砌古每多紫氣連數仞屐虛能注海一泓澄碧可
藏天更聞異事駭人聽有類荒唐未盡傳

其四 岨嶇金牛

孤峯突兀勢凌蒼洞有金牛宛服箱色出荆枏多繁
爛精分麗水自輝煌藏深不向桃林牧光迥仍懸斗
宿旁久已傳聞未許見令人空憶五丁忙

其五 城頭朝霞 旭日將升每
有霞光盤旋因以名縣

其峯迴抱彈丸地每到凌晨瑞色盈方似錦文機未

織旋如紅綃縷初橫不隨孤鷺散滕閣應逐仙衣
偃城想是崙山分赤水團城靈氣覆蒼生

其六 方山晚市

人傳海蜃結成市不意此山市亦同幾處旆旌捲日
月數層樓閣倚崆峒忽然景物疊青嶂倏爾滄桑逐
去風若是坡公得一見賦詩不在海雲東

其七 龍石印跡

躍鯉池邊草色茸在田片石寫飛龍爪牙猶挾風雷
勢鱗甲常滋霖雨容可使葉公開畫筆擬同費子投
陂筇雖然歲月已更久仍自生雲護碧跡

樓霞縣志

卷之八 詩

六十三

增補

其八 虎洞遊效

虎子多年已去山至今遺洞在山間松聲抵壑如聞
嘯霞彩橫天擬窺斑滿腹殘烟深藹藹倚空峭壁色
殷殷尋常莫道石文剝談到雄威便改顏

覽宜陽殘破誌感

牟 鏜

錦屏嶺下戰雲稠極目荒涼繞洛洲蓬蔽官衙鶴唳
寂燼餘民舍雁悲流孤棲四野人踪絕鹿豕下山燐
火浮幸際龔黃司撫宇殷繁對看駕先游

又

憶昔從嚴覽境稠，今何蕭索徧溪洲。
郊原荆棘腸堪斷，廬井丘墟淚欲流。
閔閔故交幾聚散，芝蘭父執半沉浮。
澤遺五世知存否，徒仰清風傍月游。

遵原韻

牟國瑾

宜陽編戶昔何稠，兵燹惟餘蘆荻洲。
夙好交知多散失，舊經旅店半移流。
空山落日千村冷，衰草荒烟四野浮。
往代遺風誰與問，悽愴嬾復步郊游。

又

棲霞縣志

卷之八

詩

卒三之二

增補

幾載甘棠惠愛稠，空遺飛鳥遍汀洲。
箕山無復行春跡，洛水依然逐夜流。
文獻莫徵稗史沒，關河遙隔斷雲浮。
當年故吏今何在，敷政但聞優且游。

遵原韻

牟國瓏

先君登眺興何稠，每望三山想十洲。
對酒揮毫多雋句，看花携伴盡名流。
中州撫景悲歌壯，棠邑行吟逸氣浮。
趨侍音容還似昨，追隨空有夢魂游。

又

繩武思殷入夢稠，分符旋復臥滄洲。
紫山敢望屏山

峻漳水難同洛水流落落行踪廿憇息茫茫宦海任
沉浮含情惟念天中遠何日擔囊一徃游

遵原韻

牟恒

競誇洛邑錦雲稠還見滄桑換碧洲治譜尙同嵩岳
峙棠陰猶繞澗溪流高風東海先型邇古誼丹陽壯
氣浮獨幸遺篇遠相寄愧無瓊玖答交游

又

祖烈綿長支派稠宜城廟繼亘神洲三詩篋內光猶
燦兩世雲中影欲流瞻顧圖書存手澤仰承堂構敢
棲霞縣志

卷之八

詩

卒三之三

增補

塵浮西清匏繫頻吟咏菲質無能接上游

登岨嶠山

牟國瓏

東郡名山世久傳攀登直上青雲巔松嵐簇擁千峯
翠草色霏微萬壑烟憶昔藏金推舜代至今出口說
堯年不知石洞牛安在耕得春郊萬頃田

上元後屨學師朱先生次日以詩見惠答之

傳柑節後筵重開爲迓高軒賦落梅幾樹銀花喧鼓
吹一輪明月照亭臺香留如接令公語詩逸堪追摩
詰才安得鱣堂常對酌春風座畔日徘徊

褒衣博帶日爲群
皓首窮經道未聞
造化生心真抱璞
聲施蓋世盡浮雲
德高不必夔龍業
品重何須班馬文
濂洛薪傳今尙在
流風誰復嗣遺芬

其二

雅淡蕭疎靜者居
名心利念早須除
未能定性難稱士
若是嫌貧莫讀書
黃菊籬邊把酒坐
白雲隴上帶經鋤
此中自有千秋業
駟馬高軒比不如

其三

樓霞縣志 卷之八 詩
李三十四 增補
弟兄處世貴清真
又恐清真與矯鄰
養度須教風滿座
澄懷應似月無塵
重持已諾稀招怨
輕受人恩多失身
但使波濤忠信涉
天涯在在是通津

其四

靈府重關未易扃
由來主敬是心銘
事云有定翻無定
意似無形却有形
半句邪談遮日月
一毫私念怯雷霆
聖狂分界爭多少
欺慊時時宜自惺

其五

入道方知道岸遐
莫將鶯語闕麗華
學非孔子孟終爲

歎才卽伊周奚用誇欲有言時先戒躁每逢樂處要
防奢豈非招忌皆因滿大器中虛誰得加

其六

經天緯地盡綱常砥柱中流分所當休借詩書弄筆
墨宜知忠孝是文章奸雄萬世名猶穢貞烈千年骨
愈香豈爲釣譽高氣節歲寒自爾著孤芳

其七

森森荆棘塞儒林泗水淵源要自尋不盡五倫楊墨
教能知一恥聖賢心毀行多本圓融起守正何妨疑
謗侵果對衾影常不愧幽居應有鬼神欽

其八

丈夫立志在家修何事嬉遊春復秋芸局藏書朝檢
點蘭膏繼晷夕搜求寸陰能惜方成聖隻字弗通猶
抱羞莫借稽康高自况韶光不爲懶人留

遊丘真人菴

李任

長春長春我來訪叩之無語空山響獨倚古松仰太
虛白雲自來還自往雲往雲來日悠悠欲從何處覓
浮丘且歸小榻焚香坐竹徑花畦卽十洲

壽明經牟桐齋尊堂李太母 有序 李 任

吾郡孝友推鳳伯牟先生家爲最先生昆玉八人
失怙恃時多弱齡其間闢家風修行課業俾諸弟
克底於成者伯與仲也其率諸弟遵兄教惟謹者
則龍叔公也其內助則李太君也蓋二嫂賢而早
世惟太君爲妯娌長倡先和睦家無間言垂老訓
子姪猶有九熊風牟氏門閭日大科第纏聯太君
實與有力焉不傳何以勸風化故於其懸悅辰爲
詩以祝庶閨闈中有聞之而興起者乎

棲霞縣志

卷之八 詩

李三之六

增補

田荆姜被世流芳內助多賢有孟光鶴髮今傳母德
厚鹿車昔景女詩良趨庭堦下多珠樹介壽筵前進
羽觴綸閣馳封來有日榮褒不愧受金章

壽明經牟澹齋尊堂李太母 有序 李 任

祝詩近諛予素不爲茲因太君懿行實有足傳其
莊敬以事夫也相對如賓不讓齊眉之案其義方
以訓子也微愆弗恕依然斷杼之風至和妯娌理
壺務與三太君共相一家孝友表表在人耳目間
以垂彤史奚愧焉率題一律聊以表賢祝云乎哉

徽音豈亞古名姝巾幗居然一丈夫教子慈堪追畫
荻馭人寬復類鞭蒲多年珂里綿家慶此日仙籌添
海區竚望九重頒紫誥逍遙舞拜不須扶

論曰文者貫道之器也而邑志所登與居平言
文者有辨有接以來墨卿哲匠代不乏人含英
咀華均成鴻寶顧邑事不相關涉雖摘藻颺音
風教無與焉故何侯有言大哉王言志不倍也
洋洋乎聖人之言恣畏也識廢興者足以觀旌
賢烈者足以勸歌風而諷俗者足以興采風藝
苑其亦垂世立教之意歟若乃旁搜遠攬勒爲
大觀以備著述而光簡策則嗣修之責端有賴
於博物君子矣

棲霞縣志跋

邑侯胡公畿輔名傑也

奉

上簡擢蒞治於棲甫下車

跋

即有志於治天下之

大端先徵境內圖籍

或以殘缺對侯慨然

曰邑無志往蹟奚稽

且不習爲吏跡已成
事志固官方寓焉非
司民牧者之責乎迨
治歷八稔其於山川

跋

二

賦役人物風俗知之
咸悉廼博采群言
蒐徃帙爲此邦文獻
作不朽計既成屬余

言以附後余竊譚郡
邑有志方諸古列國
史無二乃自總志通
志郡志而外屬邑每

跋

三

自志之各成一家言
豈不呂省郡第挈其
大者纖細曲折彙括
不遺莫詳於邑邑之

志可少缺與雖然難
言矣勉近類有作者
體裁人人殊總不離
乎核寔傳信足垂不

跋

四

朽者爲當俟識曠達
源遠雅負史才而又
集邑之紳士商確而
共訂焉余取其書讀

之大都不尚張大筆
削唯詳筆削詳吾知
其體必嚴不尚張大
吾知其詞必謹文直

跋

五

事核稽肆闡幽誠信
史也夫舉一邑將墜
之曠典一旦續而新
之燦然布諸方策俾

後之考政學禮者欲
定古今綜名寔無鉅
細隱顯咸在目前則
賢侯文教之功何可

跋

六

誣也余休養林泉久
踈翰墨快觀斯舉而
喜侯之爲樓計者深
也於是乎書

省

龍飛康熙壬子孟冬之吉

賜進士原任清水縣知縣

邑人孫鏡仙宮父撰

校

七



